

Тохиржон Қозоқов  
Алижон Воҳидов  
Бахтиёр Рӯзиев

Ахсикент  
тадқиқотчилари



## ИБРАТ НИГОҲИДАГИ АХСИКЕНТ

**Ахсикент археология мероси объектини  
муҳофаза қилиш ва тадқиқ этиш дирекцияси**

Тоҳиржон Қозоков  
Алижон Воҳидов  
Бахтиёр Рӯзинов

# **ИБРАТ НИГОҲИДАГИ АХСИКЕНТ**



**Тошкент – 2018**

УО'К: 264.22  
КВК: 85. (5Ўзб)

Қ: 50

### Масъул мұхаррір:

Турсунбой Файзуллаев  
сиёсий фанлари доктори, профессор

### Тақризчилар:

Ҳайдаров Захриддинбобир Умарович  
тарих фанлари номзоди, доцент

Воҳидова Комила Абдулазизовна  
тарих фанлари номзоди, доцент

Мазкур китоб Наманган давлат университети Илмий-техникавий кенгашининг 2018 йил 10 ноябрдаги 10-сонлийигида мұхокама қилинган ва нашрга тавсия этилған.

Мазкур китоб “Ахсикент тадқиқотчилари” рукни остида нашр этиладиган китобларнинг бириңчисидир. Ундаги маълумотлар таникли маърифатпарвар, шарқшунос олим Исҳоқхон Ибратнинг Ахсикент (Эски Ахси) ёдгорлиги тарихини ўрганиш юзасидан олиб борган изланишлари асосида тайёрланған. Китобда Ибратнинг Ахсикент тарихига бағишен “Туркистан вилоятининг газити”да чоп эттирган мақолалари ҳамда “Фарғона тарихи” асаридаги маълумотларининг буғунги қундаги аҳамияти ёритиб берилған.

Китоб кенг китобхонлар оммасига мүлжалланған.

ISBN: 978-9943-381-6-9-8 © “Наврўз” нашриёти

031500

“Улуг ажсадодимиз Ибрат таҳаллусини ўзига бејиз танламаган экан. Унинг Ватан ва юрт равнаги йўлидаги фидокорона ҳаёти нафақат ўз даврида, балки бугунги кунда ҳам барчамиз учун ҳақиқий ибрат намунаси бўлиб хизмат қилмоқда, десак, адашмаган бўламиз”.

Ўзбекистон Республикаси Президенти  
Шавкат Мирзиёев

### Муқаддима

Ўзбек маърифатпарвари, тарихчи, тилшунос, шоир, публицист, хаттот, матбаачи Исҳоқхон Жунайдуллахўжа ўғли Ибрат ҳозирги Наманган вилоятининг Тўракўргон туманида 1862 йилда таваллуд топди. 1878 - 1886 йилларда Кўқондаги Муҳаммад Сиддиқ Тунқотар мадрасасида ўқиди. 1887-1892 йилларда Истанбул, София, Афина, Рим, Кобул ва Жидда шаҳарларида бўлди. 1892-1896 йилларда Ҳиндистоннинг Бомбай ва Калькутта шаҳарларида яшади. Сафардан қайтгач, Тўракўргонда янги усул мактабини очиб, ёш болаларни илм-маърифатли қилишга киришди. У биринчилардан бўлиб, «Матбааи Исҳоқия» номли литография ташкил қилди. Ибрат янги мактаблар очиш, муаллимлар тайёрлаш, аёлларни саводли, зиёли бўлишларида фаол қатнашган. Ибрат араб, форс, ҳинд, турк, ўзбек ва рус тили сўзларидан

таркиб топган «Луғат ситта алсина», яъни «Олти тилли луғат»ни тузди. Бу асар ўша давр учун катта аҳамият касб этган эди. Ибратнинг ёзувлар тарихига оид «Жомеъ ул-хутут» («Хатлар мажмуи») асарида лотин, юонон, хитой, ҳинд, араб, кирилл ёзувларининг келиб чиқиши, ривожланиш тарихи ҳақида маълумот берилган, илмий-тарихий асарлари («Тарихи Фарғона», «Тарихи маданият», «Мезон уз-замон») эса Кўқон хонлигининг вужудга келишидан то XX асрнинг 30-йилларигача бўлган даврни ўз ичига олган. Ибрат «Туркистон вилояти газети», «Садойи Туркистон», «Садойи Фарғона» газеталарига ёзган мақолалари орқали фан, маърифат ва маданиятни тарғиб этган. Фидойи инсон, 1937 йилда кўплаб ватанпарварлар каби қатағон қурбони бўлди.

Ибратнинг илмий мероси ичида тарихий асар ва мақолалари алоҳида ўрин тутади. Хусусан унинг Фарғонанинг кўхна тарихи, қадимий шаҳарлар археологиясига оид тадқиқотлари бугунги кунда ҳам ўз аҳамиятини йўқотмаган. Жумладан, мозий Ахсиқент харобалари устида олиб борган изланишларини “Тарихи Фарғона” асарида ҳамда

“Туркистон вилоятининг газити” газетасининг 1913 йилги саҳифаларида баён қилган.

Мазкур асар ва мақолаларида Ибрат қўлёзмалар асосида Ахсикент тарихини муҳтасар ёритиш баробарида, унинг археологияси, Эски Ахси ёдгорлигининг тузилиши ҳақида кимматли маълумотларни берган.

Исҳоқхон Ибратнинг қатагон қурбонига айланиши айни пайтда унинг илмий меросидан илм аҳлиниң бебаҳра қолишига сабаб бўлди. Бу эса ўз навбатида ўтмишимизга оид қатор маълумотларни нотўғри талқин қилинишига, тарихий ҳақиқатнинг сохталаштирилишига олиб келди. Бу бевосита Ахсикент тарихи учун ҳам тааллуклидир.

Ибрат асарларининг таъқиб қилиниши, оммадан йироқ тутилиши оқибатида XX асрнинг 60-йилларидан бошлаб “Темурийлар даври Ахсикенти” деган янги тушунча ҳосил қилинди. Натижада Ахсикентни мўғуллар вайрон қилганлиги-ю темурий Умаршайх Мирзо Ахсикентдан 6-8 чақирим ғарброқда Янги Ахси шаҳрини қуришга мажбур бўлганлиги ҳақида фикр пайдо бўлди. Ваҳоланки, бирон бир тарихий асарда бу ҳақидаги хабарга дуч келмаймиз.

Шунингдек, Исҳоқхон Ибрат айнан темурий Умаршайх Мирзо пойтахти саналган Аҳси айнан ҳозирги Эски Аҳси манзилгоҳи эканлигини ўз асар ва мақолаларида муфассал баён этиб кетган эди.

Мамлакатимиз Президенти Шавкат Мирзиёевнинг 2016 йилнинг 2 ноябрда Наманган вилояти сайловчилар вакиллари билан учрашувида билдирган фикрларидан кейин қадимги Аҳсикент тарихини ўрганиш ва Исҳоқхон Ибрат номини агадийлаштириш, унинг илмий-адабий меросини халққа етказиш борасида амалий ишларга киришилди. Мазкур учрашувда жумладан: "...Бу диёрдаги машхур Аҳсикент, Мунчоқтепа, Айритом, Муғтепа каби меъморий ёдгорликлар ўтмишда ушбу ҳудудда ўзига хос цивилизация ва бой маданият ривожланганидан далолат беради....

Миллий үйғониш даврининг етук намояндаларидан бири, Ватан, халқ истиқтоли учун жонини фидо қилган улуғ бобомиз Ибрат домла ҳакида тўхталиб ўтишни ўринли, деб биламан.

Барчамизга яхши маълум, XIX асрда Тўракўрғон заминида туғилиб ўсган ноёб истеъодли бу инсон араб, форс, ҳинд, урду, инглиз, француз тилларини

яхши билган.... Унинг “Фарғона тарихи” деган машҳур асари мамлакатимиз тарихига оид нодир манбаалардан бири эканини сизлар, албатта, яхши биласизлар.

...Улуғ аждодимиз Ибрат тахаллусини ўзига бежиз танламаган экан. Унинг Ватан ва юрт равнағи йўлидаги фидокорона ҳаёти нафақат ўз даврида, балки бугунги кунда ҳам барчамиз учун ҳақиқий ибрат намунаси бўлиб хизмат қилмоқда, десак, адашмаган бўламиз”<sup>1</sup>, дейилди.

Юртбошимизнинг таклифи ва ташабbusи билан Тўрақўрғонда Ибрат номидаги музей, боғ ва Наманган давлат университети қошида хорижий тилларни ўргатишга ихтисослаштирилган мактаб ташкил этилди.

Бу борада Ўзбекистон Республикаси Вазирлар Маҳкамасининг “Наманган вилояти Тўрақўрғон туманида атоқли маърифатпарвар Исҳоқхон Ибрат номидаги ёдгорлик мажмуасини ташкил этиш тўғрисида”ги 2017 йил 13 апрелдаги ва “Тўрақўрғон туманида Исҳоқхон Ибрат номидаги хорижий тилларга ихтисослаштирилган мактаб-интернатни

---

<sup>1</sup> Мирзиёев Ш. Буюк келажагимизни мард ва олижаноб халқимиз билан бирга курамиз.-Тошкент: Ўзбекистон, 2017.-71-75 бетлар.

ташкил этиш тўғрисида”ги 2017 йилнинг 5 сентябридана қарорлари қабул қилинди. Шу билан бирга Ибрат жамғармаси ҳам ташкил этилди.

Ўзбекистон Республикаси Вазирлар Маҳкамасининг 2017 йил 16 октябрдаги “Наманган вилоятининг Тўракўрғон туманида «Ахсикент» археология мероси обьектини муҳофаза қилиш ва тадқиқ этиш ёдгорлик мажмуасини ташкил этиш тўғрисида” 831-сонли ҳамда Наманган вилояти ҳокимининг 2017 йил 31 октябрдаги 761-қарорлари қабул қилинди. Ушбу қарорлар асосида мажмуани сақлаш, унинг иш фаолиятини самарали ташкил этиш мақсадида вилоят ҳокимлиги муассислигига давлат унитар корхонаси шаклидаги “Ахсикент” археология мероси обьектини муҳофаза қилиш ва тадқиқ этиш дирекцияси ташкил этилиб, унинг олдига Ахсикентнинг ҳаққоний тарихини ёритиш, мазкур ҳудудни халқаро туризм маконига айлантириш, Ахсикентдан етишиб чиқсан олимлар ҳаёт-фаолиятини ўрганиш ва илмий-бадиий меросларини халққа етказиш, дунё музейлари, кутубхоналарида сақланаётган Ахсикентга оид осори-атиқаларни аниқлаш каби кенг кўламли вазифалар қўйилди.

Тарихчи олимларимиз олдида турган галдаги вазифалардан бири заҳматкаш олимнинг илмий меросини чукур ўрганиш, оммага етказишидир.

Кўлингиздаги ушбу рисола бу борадаги дастлабки қадамлардан ҳисобланади.

Ўзбекистон Республикаси Президенти  
Ш.М.Мирзиёев маърифатпарвар Йибрат меросини  
ўрганиш ва халқقا етказиш ташаббускори ва  
раҳнамоси

*Турсунбой Файзуллаев,  
НамДУ профессори, с.ф.д.*

Муҳтарам Президентимиз Шавкат Мирзиёев фармон, қарор ҳамда маъruzаларида доимо “Тарихни чуқур ўрганайлик, адолатни қарор топтирайлик” – деган ғояни илгари сурадилар. Тарих – бу миллатнинг тарбиячиси.

Тарих биз учун воқеа-ҳодисаларни шунчаки акс эттирган китоб ёки жараён эмас. Тарихий хотира эртанги кунимиз пойдеворини мустаҳкамлашга хизмат қилиши, шубҳасиз.

Биз номлари оламга машхур бўлиб, жаҳон цивилизацияси, маданиятига улкан ҳисса қўшган аждодларимиз меросини тарих орқали ўрганамиз. Улар билан ҳақли равишда фахрланиб келамиз, ружланамиз.

Айни пайтда таъкидлаш лозим, бугунги жамиятимизнинг барча жабҳаларига, айниқса илм-фан, таълим тизимларига умидбахш ўзгаришлар шиддат билан кириб келаётган даврда диёrimизда

камол топган маърифатпарвар ва алломаларнинг бой маънавий меросларини ёш авлодга етказишимиз фоят долзарб масала бўлиб қолмоқда.

Ҳаммамиз кўриб турибмиз, давлатимиз раҳбари Ш.М.Мирзиёевнинг вилоятларга ташрифлари чоғида ўша ҳудудлардан етишиб чиққан тарихий шахслар номини улуғлаш, улкан ижодкор ва алломалар меросини ўрганиш билан боғлиқ кўрсатмалари, уларни амалга ошириш чора-тадбирлари белгиланганлигини айтиш адолатдан бўлади.

2016 йил 2 ноябрь куни Учқўрғонда сайловчилар вакиллари билан учрашувда Президентликка номзод Ш.М.Мирзиёев “Наманган қадимдан кўп-кўп истеъдод эгаларининг парвозига қанот берган илохий бир макондир. Бу кўхна заминда туғилиб, ижод қилган кўплаб шоир ва маърифатпарвар шахсларнинг номларини халқимиз хурмат билан тилга олади.

Шу ўринда миллий уйғониш даврининг етук намояндаларидан бири, Ватаи ва халқ истиқлоли учун жонини фидо қилган Ибрат домла ҳақида тўхталиб ўтишни ўринли деб биламан. Улуғ аждодимиз Ибрат таҳаллусини бежиз ўзига танламаган.

Унинг Ватан ва юрт тараққиёти йўлида, фидокорона ҳаёти нафақат ўз даврида, балки бугунги кунда ҳам барчамиз учун ҳақиқий ибрат намунаси бўлиб хизмат қилмоқда, десак адашмаган бўламиз”, - деган эдилар.

Давлатимиз раҳбари бу борада яна шуни ҳам айтдилар: “Бир фикрни сизлар билан ўртоқлашмоқчи эдим. Тўракўргонда Ибрат домла ҳаёти ва фаолиятига бағишлиланган музей борлиги яхши, албатта.

Лекин, савол туғилади: шундай улуғ зотнинг халқимиз учун қилган буюк хизматларини бутун мамлакат миқёсида ўқиб ўрганиш, меросини тарғиб қилиш, авлодларга етказиш учун шунинг ўзи етарлими? Менимча, Тўрақўргонда у кишига атаб замонавий боғ барпо қилиб, ёдгорлик мажмуасини ташкил қилсак, буюк бобомиз олдидаги қарзимизни узган бўламиз.

Бу ер бутун республикамиз аҳолиси учун севимли бир зиёратгоҳга айланиши керак. Нега деганда, бундай фидойи инсонлар ўзбек халқининг фахр-у ифтихоридир”.

Шуни айтиш жоиз, вилоят аҳли, зиёлилар, Ш.М.Мирзиёевнинг бу кўрсатма ва ташабbusларини

буюк маърифатпарвар Исҳоқхон Ибратнинг халқимиз маънавий-маърифий юксалиши йўлидаги хизматларига юксак эҳтироми сифатида қабул қилдилар. Ибрат меросини қайтадан ўрганишга, у кишини номи билан аталувчи боғ мажмуасини барпо этишга киришдилар.

2017 йил 7 июль куни вилоятга иккинчи бор ташриф буюриб, Президентимиз республика ва вилоят даражасидаги масъул раҳбарлар, нуронийлар, зиёлилар билан сухбат жараёнида ушбу комплексда амалга оширилаётган бунёдкорлик ишларини мазмун жиҳатдан такомиллаштириш, тил ўргатиш бўйича маҳсус мактабни Наманган давлат университети қошида ташкил этиш, бу ерда Алишер Навоий номидаги Тошкент давлат ўзбек тили ва адабиёти ҳамда Ўзбекистон давлат жаҳон тиллари университетлари, Тошкент давлат шарқшунослик институти ҳамкорлигида хорижий тилларни ихтисослаштирилган тарзда ўргатиш лозимлигини таъкидладилар. Ўқитувчи ва ўқувчиларга зарур шароитлар яратиш, мажмуа атрофини ободонлаштириш бўйича аниқ кўрсатмалари натижаси ўлароқ “Ибрат ёдгорлик мажмуасини барпо этиш”,

“Хорижий тилларни ўргатишга ихтисослашган Ибрат мактабини ташкил этиш тўғрисида” ҳукуматнинг ва вилоят ҳокимининг иккитадан маҳсус қарорлари қабул қилинди. Олий ва ўрта маҳсус таълим ҳамда Халқ таълими вазирликларининг буйруғлари чиқди.

Вилоят ҳокими X.Ҳ. Бозаровнинг “Исҳоқхон тўра Ибратга муносиб бўлайлик”, деб вилоят аҳлига Мурожаати оммавий ахборот воситаларида эълон қилинди. Ибрат мажмуасини бунёд этиш умуммамлакат, умумхалқ ҳаракати тусини олди. Курувчилар, архитекторлар, рассомлар сидқидилдан меҳнат қилдилар.

Натижада, Наманганимизда қиёси йўқ маънавий-маърифий маскан юзага келди. Икки гектардан ошиқ майдонни ташкил этган Исҳоқхон тўра Ибрат мемориал мажмуаси лойиҳа қиймати 13 миллиард сўмдан зиёд мажмуа боғ-хиёбон, унинг ўртасида Исҳоқхон тўра Ибратнинг сиймоси, миллий меъморчилик услубидаги айвон, босмахона, илфор технологиялар асосида курилган мусиқали фаввора, чет тилларига ихтисослаштирилган 400 ўринли мактаб-интернат ва тарихий меъморчилик йўналишида барпо этилган музейни ўз ичига олади.

Ибрат меросини халққа етказишда кисқа вақт ичида мамлакатимизнинг таниқли олимлари, зиёлилари томонидан қатор илмий асарлар, ўкув-услубий қўлланмалар яратилди, тўпламлар чоп этилди. Мақолалар ёзилмоқда, телевидения орқали мунтазам кўрсатувлар берилмоқда.

Жумладан, “Наманганлик маърифатпарварлар” туркумидан дастлабки рисолалар китобхонлар эътиборига ҳавола қилинмоқда. Талабалар ҳам ўқувчи -ёшлар ҳам Ибрат меросини атрофлича ўрганмоқдалар.

Бунинг натижасида кенг жамоатчилик ва ёшларимиз Ибратнинг маърифатпарварлик фаолияти, қимматли маънавий мероси ҳақида янада кўпроқ тушунчаларга эга бўлмоқдалар, десак тўғри бўлади.

Бизга маълумки, мамлакатимизда дунё тамаддуни ва илм-фани ривожига муносиб ҳисса қўшган алломалар, азиз-авлиёлар юрти сифатида шухрат топган. Шу боис ҳам аждодларимиз қолдирган бебаҳо меросни ўрганиш, уларни халққа етказиш доимий эътиборида турибди. Хусусан, давлатимиз раҳбари 2018 йилнинг 2-3 май кунлари учинчи марта вилоятимизга ташриф буюриб, ижтимоий-иктисодий

соҳадаги ислоҳотларни амалга ошириш билан танишиб, вазифалар белгилаб берар эканлар, Исҳоқхон Ибрат меросини чуқурроқ ўрганиш зарурлигига яна бир бор дикқат қаратдилар. Ташифнинг иккинчи куни мажмуанинг очилиш маросимида қатнашдилар.

Хорижий тилларга ихтисослашган мактаб-интернатни ҳам кириб кўрдилар, ўқитувчи ва ўқувчилар билан мулоқот қилдилар.

Мактабда умумтаълим фанлари ва инглиз, немис, француз, рус, араб, хитой, корейс филологияси чуқурлаштирилган ҳолда ўқитилаётгани, бу борада пойтахтнинг етакчи олий ўқув юртлари ўртасида ҳамкорлик йўлга қўйилгани, дарс жараёнига чет эллик кўнгиллилар ҳам жалб этилгани билан қизикдилар.

Давлатимиз раҳбари маърифатпарвар аллома номи билан аталувчи мактаб ҳар томонлама намунали бўлиши, бир нечта хорижий тилни билган замонавий кадрларни тарбиялаш муҳимлигини таъкидлаб, “Ибрат домланинг Ватан ва юрт тараккиёти йўлидаги фидокорона ҳаёти нафақат ўз даврида, балки бугунги кунда ҳам барчамиз учун ҳам ибрат намунаси бўлиб қолмоқда. Ёшларимиз шунга

муносиб, юрга ярайдиган инсон бўлиб вояга етишлари керак. Бу мактабга нафақат Наманган вилояти, балки, мамлакатимизнинг барча ҳудудларидан энг иқтидорли ёшлар ўкишга қабул қилиниши керак”- деб уқтирилар.

Президентимиз мазкур мактабни аъло баҳоларга битирган ўғил-қизларни олий ўкув юртларига имтиҳонсиз қабул қилиш ва грант асосида ўқитиш бўйича топшириқ ҳам бердилар.


Шавкат Мирзиёев мажмуага уйғун тарзда Косонсой сойининг икки қирғоғида бунёд этилган хиёбонни кўздан кечириб, бу ерда қурилаётган уйжойлар, савдо шохобчалари, кўнгилочар масканлар, аҳоли сайр қиласидан йўлаклар ва бошқа инфратузилма обьектлари курилишини янада такомиллаштириш бўйича қўшимча кўрсатмалар бердилар.

Бир сўз билан айтганда, Президентимиз Ш.М.Мирзиёев ташаббуслари ва раҳнамоликларида ватандошимиз улуғ маърифатпарвар Исҳоқхон Ибрат домланинг тарихчи, шоир, адаб, матбаачи сифатида қолдирган бой маънавий мероси бугун халқимиз, хусусан ёш авлоднинг нодир хазинасига айланди.

Юқоридагилар маълум маънода куйидаги хулосаларни билдиришга имкон беради.

**-биринчидан,** Президентимиз Ш.М.Мирзиёев давлат раҳбари сифатида фаолиятларининг дастлабки куниданоқ буюк тарихий шахслар номини тиклаш, ватандош алломаларимиз, адаб-ижодкорларимиз меросини ўрганиш, номларини агадийлаштириш, улар босиб ўтган ибратли ҳаёт йўлларини кўрсатиш орқали ёшларимизни юртга содик, халқ ишига фидойи инсонлар қилиб тарбиялашга катта эътибор бермоқдалар.

**-иккинчидан,** жаҳон цивилизациясига муносиб ҳисса қўшган ватандош маърифатпарварлар меросини, хусусан Исҳоқхон Ибрат меросини чуқур ва ҳар томонлама ўрганиш масаласини кун тартибига кўйилишини, олим-у фузалоларимизга шахсан давлатимиз раҳбарининг доимий эътибор ва хурматлари деб қараш, шунингдек, Алоуддин Абу Бакр Косоний меросини ўрганиш ҳақидаги янги ташаббуслари тарихни чуқур ўрганиш ва адолатни қарор топтиришнинг мухим кўриниши, десак, адолатдан бўлур эди.




-учинчидан, давлатимиз раҳбари қайси вилоятга борсалар етишиб чиққан улуғ алломалар номини тилга олишлари, ўша худудни ободонлаштириш, улар номи билан аталувчи хиёбон ёки ижод мактаби ташкил қилишга раҳнамолик қилишлари, хусусан Ибрат номини агадийлаштириш билан бөглиқ мазкур мажмуани ташкил қилиниши шахсан ўзларининг ҳам Ватан тараққиёти, халқнинг маънавий юксалишига бутун умрини бағишилаган тарихий шахсларни улуғлаш борасида бошқаларга ўзлари ибрат бўлаётганликларини ҳам кўрсатади;

Ва ниҳоят тўртингидан, Президентимиз Ш.М.Мирзиёевнинг жаҳон цивилизациясига муносиб ҳисса қўшган буюк аждодларимизнинг меросини чукур ўрганиш ва уни ҳалққа тўлалигича етказиш борасида белгилаб берган вазифа, амалий йўл-йўриғларини биз зиёлилар, тадқиқотчилар, олимлар маърифатга даъват, яъни Исҳоқхон тўра Ибратнинг маърифатпарварлик фаолиятини атрофлича ўрганиш, тадқиқ қилиш ва ҳалққа етказиш борасидаги доимий кўрсатмалари сифатида қабул қилишимиз тўғри бўлади, деб ҳисоблаймиз.

Республикамизнинг етакчи олимлари томонидан билдирилаётган фикр-мулоҳазалар, илгари сурилган таклиф ва тавсиялар Ибрат меросини теран ва атрофлича ўрганишда, уни халққа тўлалигича етказишда яна бир муҳим қадам бўлади.

# ТУРКЕСТАНСКАЯ ТУЗЕМНАЯ ГАЗЕТА



تکستان فلاتی نیشنل سسٹم

выходить по два раза въ недѣлю.

۱۸۷۸۶

Томск, Томский опт Кемеровской областной Томской-Губкин

Nº 48

۴۸ نوحہ

Page 1913 of 2030

СОРОКЪ ЧЕТВЪРТЫЙ ГОДЪ ИЗДАНИЯ.

III - **الطبعة الأولى** ١٩٧٣

بکارهایی که بازی بازی داشتند از جمله  
برای نماینده برگزیده شدند که در این مسابقات  
امسیات را می‌گزینند با این اینستین مسابقات  
با تکمیل و پردازش آغاز شدند

حکایت کوئٹہ کسل  
خانہ فنا

سازمان اسناد

گزینه پیامی  
نه عذر و عذر و عذر

کاریشتمو

卷之三

لهم انت السلام السلام السلام  
لهم انت السلام السلام السلام  
لهم انت السلام السلام السلام  
لهم انت السلام السلام السلام

**Туркистон вилоятининг газети №48, 23 июнь 1913  
йил.**

**История древнего города Ахсы в Ферганской  
области. (Фарғона облостидағи қадимги Ахси  
шахрининг тарихи).**

Фарғона үбластида қадимги замонларда пойтахт бўлиб турган Ахси ёки Ахсикат деган катта шаҳар бўлган экан. Бул кунларда мазкур шаҳарнинг ўрни ва атрофи яхши маълумдир. Чунончи, Намангон уездига тобъе худ Намангон шаҳридин ўн беш чақирим масофада Ахси бўлостида дарё лабида бир неча қишлоқдин иборатдур. Бул хусусда таворих китоблардин мазкур Ахсикат хусусида хабар олиб, таворих учун бирор рисола тасниф қилмоқ лозимдур. Яъни, ул шаҳар қайси вақтда аввал мартаба бино бўлинган ва қайси хон ва беклар ул шаҳарда ҳукумат қилган ва фуқароларни майшати қаю тариқада бўлган ва ҳам қаю вақтда нима сабаблар ила ул шаҳар вайрон ва ҳароб бўлган. Ва нима учун ул жойда ҳеч ким туролмаган. Йиқилган девор ва иморат асорати ер остига қўмилиб қолгандурму?, деб – бул муддао бирла газет ўқиғувчи зотлардин илтимос қиласизки, ҳар кимнинг қўлида ҳар-хил торих китоби бўлиб, ул китобларда Ахси шаҳри хусусида хоҳ қисқа ва хоҳ муфассал хабарлар бўлса, биз газет муаллифига ёзиб

юбориб бизни хурсанд қиласалар. Ва лекин мазкур хабарлар бу тариқа ёзилса, чунончи: “Ахси барвазни маҳфий номи қасаба аст. Аз Мовароуннаҳр дар ноҳияи Фарғона аз бехтарин он билод аст (Бурҳон Қоте. 55-саҳифа). *Ахсикат Мовароуннаҳрда Сайҳуннинг соҳил шарқисида бир қасаба эрди*”.

Ахсикат Мовароуннаҳрда Фарғона хаттиси дохилида бир қасаба ўлиб сур ила муҳот қилғонликни Ёқут Ҳамавий зикр қилур. Ҳозир на ҳолда эканлигиға доир маълумотта даст рост бўлинмади. (Қомус ал-Аълам, 804 –саҳифа).

“Сайҳун дарёсининг шимол тарафидаги қасабаларнинг бири Ахсидур, китобларда Ахсикат битадурлар. Чунким, Асириддин шоирни Асириддин Ахсикатий дерлар. Фарғонада Андижондин сўнгра мундин улуғроқ қасаба йўқдур. Андижондин Ғарб тарафинда тўққиз тош йўлдур. Умар Шайх Мирзо муни пойтахт қилиб эрди. Сайҳун дарёси қўргонини остидан оқадур. Қўргони баланд жар устида воқеъ бўлибдур. Ҳандақининг ўрнига чукур жарлар бордур.

Умар Шайх Мирзо муни пойтахт қилди, бир-икки мартаба ташқорроқдин яна жарлар солди. Фарғонада мунча берк қўргон йўқтур. Маҳаллоти қўргондин бир

шаръий йироғроқ тушубдур. (Даҳ кужову дараҳтон кужо) мислини ғолибан Аҳси учун айтибурлар. Қовуни яхши бўлур. Бир навъ қовун бордурким, Мир Темурий дерлар. Андоқ қовун маълум эмаским, дунёда бўлғай. Бухоро қовуни машҳурдир. Самарқандни олган маҳалда Аҳсидин, Бухородин қовун келтурдим бир мажлисда кестурдим. Аҳси қовунининг ҳеч яхшиликда ҳеч нисбати йўқ эди. Ови қуши, бисёр бўлур. Сайхун дарёсининг Аҳси тарафи дашт. Кийиклари бисёр бўлур. Андижон тарафи, чангальдур. Буғу, марал, қирғовул, қуён кўб тобилур ва семуз бўлур. Аҳсининг шимолида Косон қасабаси бўлиб, кичикроқ қасабадур, Аҳсининг суви Косондин келур.

Аҳси қўрғони баланд жар устида воқъе бўлибдур. Иморатлари ҳам жар ёқосида эди. Ушбу тарихда яъни 899-ҳижрийда душанба куни рамозон ойини тўртида Умар Шайх Мирзо жардин кабутар мисллик учуб вафот қилди. Ўттиз тўққиз яшар эрди. Валодати 860 да Самарқандда эди. Султон Абу Саъид Мирзонинг тўртинчи ўғли эди. Султон Абу Саъид Султон Муҳаммад Мирзо ўғли ул Мирзо Мироншоҳ ўғли, Мирзо Мироншоҳ Амир Темур ўғли. Умар Шайх

Мирзонинг қабри алҳол Аҳсидадур. Умар Шайх Мирзодин уч ўғул, беш қиз қолиб эди. Ўғлонларнинг улуғи мен Захириддин Муҳаммад Бобур эдим. Менинг онам Кутлугнигорхоним Юнусхон қизи эди”, деб.

Бу иборалар Бобурномада худ Бобурхон сўзлариdir. Яна Бобурноманинг 29 - ва 40 - саҳифаларида ёзадурким, “...Бир икки кундин кейин Кандирлик довони ила Аҳси ва Андижонга азимат қилдим. Аҳсига етиб отамнинг мозорини тавоғ қилдим. Аҳсидан намоз жумани вақтида чиқиб, Бандсолур йўли ила Андижонга кирдим...”, деб.

Тарихи Рашидийда ёзилгонига қараганда Аҳси шаҳрининг аввал биноси мӯғул хонлари тарафиндин бўлиб, 890-900 - ҳижрий тарихида Амир Темур авлодларидан Умар Шайх Мирзо ва Шайбонийхон авлодларидан Жонибекхонга Аҳси шаҳри бир неча вақт пойтахт бўлиб, бу шаҳарда хукмронлик қилган экан. Ўшал асрларда ғоятда ободонликда экан. Кўп замонлар Кошғар вилоятида хукмронлик қилган мӯғул хонларидан Султон Абу Сайдхон ҳам тарих ҳижрийнинг 918-саналарида Аҳси ва Андижонда бир неча вақт хукмронлик қилиб, Абдуллохон ўзбек Самарқанд ва Бухоро ва Фарғонага истило қилғондин

кейин Султон Абу Саидхон кўп аскари ила Кошғарга бориб, тамом товобиъот Кошғарни олиб, 939-йилгача ҳукмронлик қилибдур.

Ахси Мовауннаҳрда Жайҳуннинг (Сайҳуннинг) соҳил шарқида воқъе бир шаҳар эди. Ахсикат Мовауннаҳрда Фарғона хаттиси дохилида бир шаҳар бўлуб, сур ила муҳот ва боғ ва боқчалари кўб ўлдиги ул ердан бир кўб машҳур уламо зуҳур этдигини Ёкут Ҳамавий айдиюр. Эмдиги вақт не ҳолда бўлдигина доир маълумот йўқдур. Ахси торихини Ёкут Ҳамавий ном китобда батафсил ёзғондур. Алҳол Ахси шаҳри ўрнида: Ахси-Жанжал, Найманча, Шаҳидон, Хўжанд-Қозоқовул, Кўшқайроғоч-Бординкўл, Чорбоғ, Калқишлоқ - Бураматут, Мозоркўҳна, Шаҳант, деган қишлоқлари бордур. Катта қўргон ва Аркни асорати мавжуддир.

Тарих Эски Ахси “Маноқиби рисолаи Ҳазрат Лангарбобо Азизий”дин шул тариқа ёзилибдур: “Ахсикантни увло биносини Эрон подшоҳи Нўширавони Одил бино қилгон экан. 521-тарих мелодийда Нўшервон ўғли Хурмуз подшоҳ Ахсини неча вақт пойтаҳт қилиб анда ҳукумат суруб, сўнгра 1233-милодийда Сирдарё катта тошган вақтида бир

зилзила бўлиб, дарёнинг суви Ахсини биёбонига чиқиб кетғон экан. Анда бузулуб хароб бўлган экан. Аммоқи аввалги ободлигига иморатлар икки - уч қабат хиштдин бинолар бўлиб, шаҳар интихоси Косонгача боруб, Косон ила Ахси ўртаси қирқ чақиримлик йўл ҳаммаси иморат, бозор бўлган экан. Ҳаттоқи бир эчки Ахси томида юрмак бўлса, то Косонгача борур экан, том устидин юруб. Ҳаммомлар, мадрасалар, саройлар, ер тагидин юрадурғон сув қубирлари кўп таажжублик нимарсалар ҳозир ҳам кўриниб турадур. Ҳозирда Ахси икки ерда бўлиб, бирини Эски Ахси бирини Янги Ахси дерлар. Яъни, Янги Ахси Эски Ахси бузилгандин сўнг қолган одамлар дарёдин қочиб Косон тарафида баландлик биёбонга иморатлар қилиб кўп қишлоқ бўлганлар. Ҳозир Янги Ахсида ўн икки қишлоқ Шаҳанд деган бозорлик бир қишлоқ ила бир болуст бўлган. Аммо Эски Ахси кўхна сол одамлар оғзидағи сўzlари кўп ажиб ва ғариб сўз сўзлайдурлар. Аларни олмай маноқибдин ёзилди. Эски Ахсини бузулган тарихи 1030 - милодийда бўлғон экан<sup>2</sup>. Андин буён мазкур

---

<sup>2</sup> Аслида Ахси зилзиласи хижрий 1030 йилда содир бўлган. Мазкур санани милодий йилда, деб берилиши ўша даврдаги нашриётнинг

Ахсини ҳеч подшохлардин ёки фуқаролардин обод қилгон йўқ. Дехқонлар ва ўтингчилар ҳар хил нимарса топиб олурлар. Чунончи, мис асбоблар ва шишалар, ҳар хил тошлар чиқодир. Кўп ерлари дарёга кетгондир алҳолда ҳам иморатларга аксари хиштларни андин олурлар.

*Исҳоқхон тўра Жұнайдұлаев.*

---

хатоси ҳисобланади. Чунки, Исҳоқхон тўра Ибрат “Тарихи Фарғона” асарида (Тошкент: Маънавият, 2005.-Б.35) бу воқеани ҳижрий 1030 йилда деб, кўрсатиб ўтган.

# ТУРКЕСТАНСКАЯ ТУЗЕМНАЯ ГАЗЕТА



## ترکستان فلاریتی نینک کے زیر پر

выходить по два на въ недѣлю.

کده ایکی موتبہ دین سوچے زباندہ یا سلیب چنادور

1475

Тверь, Типография при Балакуте Тверского Генераль-Губернатора

7-20 Izhev 1913 rev

СИРОКЪ ЧЕТВЪРТЫЙ ГОДЪ ИЗДАНО.

۱۹۱۳ ملادہ ابولدہ

کوئی پہلے کا اسی طبقے میں  
کوئی بھائی نہیں تھا۔

عهد فاطمه  
وقرئ في رثاءه، قبل وفاته شرعاً  
ومن سر باختصاره أليفة في آخره، وله  
كذلك تسميات كثيرة من ماله

لعل جناب رحيمه يلبي دعويكم بفتح بابكم  
وترك بورikan لزينة العذابه مرشد وآمنه  
لعل مرتضيكم يلعن ذات اذن زرده العذاب  
أرجو سلامتكم على كل المحبين

28

**История древнего города Ахсы в Ферганской области.**

Хулоса таржимаси: “Ахсикат Мовароуннахрда Фаргона вилоятида бир шаҳарнинг номидур. Шош дарёсининг лабида текис ерда ва дарёниг шимол тарафинда воқъе бўлиб, шаҳар ила тоғнинг миёнаси бир тошлик йўлдур. Мазкур шаҳарнинг атрофида қўргон ва боғотлар бўлиб, катталиги уч тош масофасида экан. Арк қўргонидин бошқа иморат ва боғотлар атрофини ҳам қўргон девор ила иҳота қилинган экан. Ичкари қўргонда тўрт дарвоза бор экан. Шаҳар боғларида ариғлар ва оқар сувлар ва ҳовузлар ва боғ-бўстонлар бир тошлик масофагача дарахт ва оқар сувлари муттасил бўлуб, Фарғонанинг энг яхши ва хуш мева ва обод вилоятларидан экан. Ул шаҳар тўртинчи иқлим ичинда бўлиб, узуни тўқсон тўрт ( $94^{\circ}$ ) даража, эни ўттиз етти ярим ( $37,5^{\circ}$ ) даража экан. Бу шаҳардин кўб аҳли илм, аҳли одаблар чиқиб, алардан баъзилари Абулвафо Мухаммад бин Абул-Қосим Ал-Ахсикатийдур. Ўз вақтида лугат ва тарихга ғоят олим ва моҳир эканлар. 520-нчи йилда вафот қилибдурлар. Бу зотнинг биродари Абу Раҳод Аҳмад

бин Абул Қосим. Бул зот ҳам адиб, фозил, шоир эканлар. Ҳар икковлари охир умрларида Марвда истиқомат қилиб ўшал шаҳарда вафот қилибдурлар. Аҳмад ўз шаҳарлари бўлган Ахсикатни арабий шеър ила таъриф қилган эканлар.

Мазмуни ушбуудур:

Маконнинг энг ёмон жойига  
Худо ҳалқ қиласи лайимни.  
Аммо Ахсикатда  
Каримдан бошқа туғулмайдур.

(Муъжам ул-булдон 1-инчи жилд)

*Муллахонжон қори қози*

Биз ушбу газет муаллифи бир жойда сұхбатда ўлтирган вактда Пискенд қозиси мухтарам Муллахонжон қори қози илан ўлтуруб, аснои сұхбатда Ахсикат хусусида савол қилган эдим. Ул жаноб Ахсикат шаҳри ахборотини муфассал ёзиб юбараман, деб ваъда қилган эдилар. (Ман ваъда фавофо) (ким ваъда қилса вафо қилсин) мазмунича юқорида зикр бўлгон Ахсикат хусусидаги хабарларни ёзиб юборибдурлар. Ул жаноб фаромуш қилмасдин ийфоъ ваъда айлаб ёзиб юборғанлариға ғоятда хурсанд ва фараҳманд бўлиб, ўз тарафимиздин ул зотларига газит орқали миннатдорчилигимизни изҳор қиласиз.



История древнего города Ахсы в ферганской  
области.

Фарғона музофотининг Наманган уези Чуст  
участкасига қарашли Шаҳанд бўлистиға тобъе  
жойда воқъе бўлунмиш Ахси деб ном чиқорган  
қадимги эски шаҳарни хусусида.

Ахси деган бир машҳур шаҳардурким, Сайхун  
нахри лабида бир шуҳрат топиб ном чиқарган ва ушбу  
замонларда вайронликка мубдал бўлинган шаҳардир.  
Мазкур Ахси деган шаҳар бул тарихдан тахминан  
минг йил муқаддам вақтларда Карвон бахш ном  
подшоҳни асрида мавжуд бўлунган шаҳар экан.  
Мазкур Карвон бахш подшоҳдан бир қиз фарзанд  
Биби Обида ном вужудга келган. Ва мазкур Биби  
Обида ҳад балоғатга етганда подшо Нуширавон  
Одилга завжияликка берганда бир неча фурсатлардан  
сўнгра мазкур Нуширавон Одилдан бир нафар ўғил  
фарзанд таваллуд топганда мазкур ўғил бола номини  
Хурмуз ном қўйилибдур. Лекин мазкур Ахси деган  
шаҳар ўшал асрда қўп ҳаддан фазун ободон ҳолатида  
Ҳазрат бори таъало ва тақаддасни ҳикмати ҳам  
иродаси илан офати самовийсига дучор бўлуниб, тоқ  
равоқ иморатлари бузулиб, вайронлик аҳволотга  
тушуб ва мардумлари ҳалокатга дучор бўлуб ва

баъзилари атроф жавонибларга тарқаб, мутафарриқа бўлудиб, кетганлари важҳидин мазкур вайроналикка мубдал бўлинган Эски Ахсини атроф жавониблариға тубанда номлари баён бўлиб ёзилган 15 адад катта қишлоқлар мавжуд ва обод бўлунгандур.

Ва лекин Эски Ахси шаҳрини асли биноси қаю замонларда ва қаю вақтларда бино бўлинганлиги маълум эрмас. Мазкур 15 адад янгидан бино бўлган қишлоқлар икки юз йилни орасида барпо бўлган экан. Мазкур қишлоқлар ҳам ғоятда ободон, хуш ҳаво ва мевалари ниҳоят даражада серҳосил ва заминлари сероб экан. Ва мардумлар ҳаммалари соддадил эканлар. Ва мазкур вайрон бўлган Эски Ахсини ўрниға, янгидан барпо бўлинган 15 адад қишлоқларни номлари ушбу тубанда ёзилмишидир. Чунончи, 1)Биринчи янги Ахси қишлоқ; 2)Иккинчи Жанжал; 3)Учинчи Найманча; 4)Тўртинчи Лангарбобо; 5)Бешинчи Ёндама; 6)Олгинчи Шоҳидон; 7)Еттинчи Резоқ; 8)Қозоқовул; 9)Тўққизингчи Кўшқайроғоч; 10)Ўнинчи Бордумкўл; 11)Ўн биринчи Чорбоғ; 12)Ўн иккинчи Кал; 13)Ўн учинчи Бураматут; 14)Ўн тўртинчи Мозоркўхна; 15)Ўн бешинчи Чағир тўқай.

Катта йўл	Катта йўл		
Йўлдан баланд 40 газ	Қибла сар дарвозахона	Калқишлоқ фуқаролари зироаткорлари	Худ Калқишлоқдур. Калқишлоқга карашли фуқароларининг куруқ ва зироаткор ерлари. Ердан баландлиги 40 газ
Хўжанд уези Коракалпок бўлистига карашли тамоми ёпушган жойлари Дарёи Сайхун яъни, Сирдарё пастлиги 50 газ	1-чи мурабба 225 газ экан ҳозирда  Кунчиқар тарафи тамоман Шаҳанд қишлоқ фуқароларини зироаткор ерлари экан. Худ Шаҳанд қишлоқдур. Баландлиги 40 газ	*	*

# ТУРЕЦТАНСКАЯ ТУЗЕМНАЯ ГАЗЕТА

Баланс на газовите склади	
за год.	— 4 р. 20 к.
за 6 мес.	— 8 р. 20 к.
за 2 мес.	— 1 р. 20 к.
за 1 мес.	— 30 к.
Баланс газовата компания	
за год.	1 р. 00 к.
за 6 мес.	2 р. 00 к.
за 2 мес.	1 р. 00 к.
за 1 мес.	— 30 к.

Книга на французском языке

Digitized by srujanika@gmail.com

ترکستان ولایتی نیک سزیتی

ВЫХОДИТЬ ПО ДВА ЖН ВЪ НЕДѢЛЮ

ستادور با میلیون زبانه سرتیفیکیت ایجاد کرد.

A K P E T K

Ташкент. Телеграфъ при Канцелярии Товарищества Генерал-Губернатора

Nº 55

ل ل نجی نومر

13-го Июн 1913 года

СОРИЕВ ЧЕТВЕРТЫЙ ГОДЪ ИЗДАНИЯ

انجمن ایولڈ ۱۹۱۳ ملدو

**کارانی کویت کل** بیبی سرتد بخرا رونا، ولات اولیج جمع درک رکنیت اورڈنیشن، پادرنا لامع کو قول نرمیت اور دیگر افراد کے میں ملائیں۔ ملائیں لکھ کر بخدا کی تھیں۔

س، نشان

الآن بقدر سعى عزيل برج  
لما ينجزه كلي بور عن بورون ديل، وآلا  
يبلد عيل، وآلا ينجزه كلي ديل، فـ  
يكتب طرقه ديل، وآلا ينجزه كلي ديل،  
آلات، وـ آلات، لـ آلات، لـ آلات،  
آلات، وـ آلات، لـ آلات، لـ آلات،  
آلات، وـ آلات، لـ آلات، لـ آلات،  
آلات، وـ آلات، لـ آلات، لـ آلات،

لطفان ۱۹۷۰ میلادی بک برادر آیده  
پسر ایشان دوست و دوستی را سریع بازیگران  
نمایم. پرتوان بین اینها نیز خوشی  
بازیگرانی داشتند که از اینها می‌توان  
نام ماریا فرناندی، ماریا دلیلا،  
سوزان و ماریا ماریا را نهاد. همچنان  
که شیلیویان خواستار جمل خودنمایانه  
باشد، این بازیگران می‌توانند این را  
در اینجا انجام دهند. این امر ایشان را  
آنقدر تواناند که این متن مطلع نمایند.  
این امر ایشان را می‌توانند انجام دهند.  
این امر ایشان را می‌توانند انجام دهند.  
این امر ایشان را می‌توانند انجام دهند.

کلیه این کارهای را در پیش از آغاز  
نحویه، اول پیشک معرفی نمود.  
باید بروزگردان، ملکان پیشنهاده شون  
و از استخنان دست در خواست.  
لذات سعادتی اینکه بتوانند اینها  
برای هر یکی از این طبقه های اینها  
کاملاً متناسب باشند و اینکه هر چیزی  
که از این طبقه های اینها می شود  
کاملاً متناسب با این طبقه های اینها  
باشد. این امر می تواند اینکه اینها  
کاملاً متناسب با این طبقه های اینها  
باشند. این امر می تواند اینکه اینها  
کاملاً متناسب با این طبقه های اینها  
باشند.

**История древнего города Ахсы в ферганской  
области.**

Мұхтарам Ахси қозисини Юсуфхон воситаси илан юборилған Ахси шаҳри ҳаробаларидан топилған бир адад эски кумуш танга хусусида. Ул эски кумуш тангани ичидә бир тарафида хоқон бин ал-хоқон зараба Навruz Аҳмадхон деб ва бир тарафида калимаи шаҳодат хатти куфий илон ёзилған экан. Түрт бурчагида чаҳорёр номлари ҳам бор экан. Тарих 966 (1559 милодий сана-Т.К.) ёзилған экан. Бу тарихда Наврӯз Аҳмадхон Бароқхон лақаблик Тошкент шаҳрида хоқон лақаб ила Шайбонийхон авлодидан бири бир неча вақт хонлик қилиб Самарқанд, Бухоро ва Фарғона вилоятлари ўшал асрда анга тобъе экан.

Тошкентда мадрасаси Бароқхон ном ила машхур бир мадрасаси ҳам бордур. Самарқандда Хусравхон вафот қилғондин кейин Бароқхон пойтахтни Самарқандга олиб бориб охири умриғача Самарқандда ҳукмронлик қилиб, вафот қилғондин кейин Самарқандда Ҳазрат Хўжа Аҳрор Вали мақбараларини ёнига дағн қилинибдур. Бароқхон бин Севинчхўжакон бин Абулхайрхон. Бароқнинг хонлик асри

Убайдуллоҳхон бин Маҳмудхон бин Шоҳбудоғ бин Абулхайрхон вафотидин сўнгра анинг ўрнига хон бўлган. Ул хонларнинг замонида хонликни валиаҳдлиги етғон ва улфат ва иттиҳод ва ҳифзи кувват учун, деб амакибаччалар ва биродарларни ёши каттасини риоя қилиб ва валиаҳдликни анга берур эканлар. Бароқхоннинг отаси ўзбек хонларидин бўлса ҳам, онаси Амир Темур авлодидин Улуғбек Мирзонинг қизи экан.

Бароқхондин кейин ўғли Бобохон Тошканда отасига ворис мамлакат бўлди. Халқ орасида Тошканнадаги мадрасаи Бароқхон ва мадрасаи Кўкалтош бир вақт ва бир асрда бино бўлган, деб айтур эдилар. Лекин тарих иборатига қараганда Бароқхон мадрасаи Кўкалтош бонийси Кулбобо Кўкалтошдин бир неча йил муқаддам ўтган бўлса керак. Чунки, Бароқхон ўз вақтида мустақил подшоҳ бўлган экан.

Аммо Кулбобо Кўкалтош Абдуллахоннинг биродар ризоиси ўзбек луғатича Кўкалтош дер эканлар. Абдуллахоннинг хукмронлиги Бароқхондин кейин 985 (1577) инчи йилдан бошлиб хукмронлик қилиб, Кулбобо Кўкалтош Бухорода тим ва Чоҳорсу

бино айлаб 987 (1579) инчи йилда Тошкандда ҳам  
Кўкалтош ном бир мадрасаи олий бино қилгондур.  
Алҳол мазкур мадрасани вақфи кам бўлса ҳам  
мударрисларни саъии ва ихтимомлари илан хўб  
ободликдадур.

## **Ибрат – Ахсикент тадқиқотчиси**

Исҳоқхон Жунайдуллохўжа ўғли Ибрат илмфанинг жуда кўп соҳаларида қалам тебратган бўлсада, Ватан тарихи соҳасидаги изланишлари алоҳида аҳамиятга эгадир. Айниқса, олимнинг Фарғона водийси шаҳарлари, хусусан Ахсикент тарихига оид илмий тадқиқотларини ўрганиш, таҳлил қилиш бугунги кун тарих фани олдида турган баъзи ноаниқликлар ва муммоловни ҳал қилишда аҳамиятлилиги билан ажралиб туради.

Ибрат қадимий Ахсикент шаҳри ҳақида ўша даврда машҳур бўлган “Туркистон вилоятининг газити”нинг 1913 йилги сонларида эълон қилган мақолаларида ва “Тарихи Фарғона” асарида маълумотлар бериб ўтган.

Ибрат Ахсикент тарихи, тарихшунослиги ва манбашунослигига имкон қадар кенг тўхталиб ўтган. Шунингдек, газета саҳифаларида мақолалари орқали Ахсикент ёдгорлигининг ўша даврдаги чизмасини бериши ҳам бугунги кунда ўзининг алоҳида аҳамиятига эга.

Мазкур китобда олимнинг Ахсикент тарихига оид изланишларини атрофлича таҳлил қилишга ҳаракат

қилинди. Исҳоқхон Ибрат Ахсикент хусусидаги ўз фикрларини, тадқиқотларини баён қилар экан, ҳозирги Эски Ахси ёдгорлиги хусусида фикр билдираётганligини маълум қилиб ўтган. Шуни ҳам таъкидлаб ўтиш жоизки, бу даврда фанда кейинчалик пайдо бўлган ғайриилмий “Янги Ахси” тушунчаси ҳали йўқ эди. Бугун Ибратнинг маълумотлари айнан, шуниси билан ҳам аҳамиятлидир.

Ибрат ёзади: “Фарғона ўбластида қадимги замонларда пойтахт бўлиб турган Ахси ёки Ахсикат деган катта шаҳар бўлган экан. Бул кунларда мазкур шаҳарнинг ўрни ва атрофи яхши маълумдир”<sup>3</sup>. Ушбу сўзларни “Туркистон вилоятининг газети”нинг 23 июнь 1913 йилги 48-сонида берар экан, аввало Захириддин Муҳаммад Бобур келтириб ўтган “...Сайхун суйининг шимоли тарафидаги қасабалар: бир Ахсидур. Китобларда Ахсикат битарлар... Нечукким, Асириддин шоирни Асириддин Ахсикатий дерлар...”<sup>4</sup>, сўзини яна бир карра тасдиқлаб, Ахси,

---

<sup>3</sup> Исҳоқхон тўра Жунайдуллаев. Фарғона обlastидаги қадимги Ахси шаҳрининг тарихи //Туркистон вилоятининг газети, №48.-1913.-23 июнь.

<sup>4</sup> Захириддин Муҳаммад Бобур. Бобурнома.-Тошкент: Юлдузча, 1989.-Б.8.

Ахсиат, Ахсиент битта маконга нисбатан айтилаётганлигига ишора қилмоқда.

Олим шаҳар тарихига оид рисола битишни ният қилганлигини изҳор этар экан, газета ўқувчилариға Ахси шаҳри ҳақида кимда қандай маълумотлар борлигини, шаҳар дастлаб қачон вужудга келгани, қайси хон ва беклар ҳукмронлик қилгани, аҳолининг турмуш тарзи қандай бўлгани, каби саволлариға жавоб топиш мақсадида ҳамда шунингдек, шаҳарнинг вайрон бўлиш сабаблари ҳақида ўз билганларини ёзиб юборишиларини илтимос қилиб, мурожаат қилган.

Шу билан бирга маълумотлар қай йўсинда берилиши лозимлигини ҳам намуна сифатида кўрсатиб беради. Масалан, Ёкут Ҳамавий, Бурҳон Қоте, Бобур каби олимларнинг “Қомус ал-Аълам”, “Бобурнома” сингари асарларидаги тарихий-илмий маълумотлардан иқтибослар келтирган.

Олим Захириддин Мұхаммад Бобурнинг “Бир-икки кундин сўнг Қандирлик добони била Ахси ва Андижон сари азимат қилдим. Ахсиға етиб отамнинг мазорини тавоғ қилдим”<sup>5</sup>, сўзларини келтириш билан мазкур

---

<sup>5</sup> Захириддин Мұхаммад Бобур. Бобурнома.-Тошкент: Юлдузча, 1989.-Б.32.

даврда Умаршайх Мирзонинг қабри ҳозирда Эски Ахси, деб аталадиган маконда эканлигини таъкидламоқда.

Биринчи мақолада берилган “...890-900 - ҳижрий тарихида Амир Темур авлодларидан Умар Шайх Мирзо ва Шайбонийхон авлодларидан Жонибекхонга Ахси шаҳри бир неча вақт пойтахт бўлиб, бу шаҳарда хукмронлик қилган экан...”, деган маълумотнинг ўзиёқ, айнан бугунги Эски Ахси ёдгорлигига юқорида номлари зикр қилинган Умаршайх Мирзо ва Жонибек Султонлар хукмронлик қилганлигига аниқлик киритади. Бинобарин, бундан Умаршайх Мирзо ҳеч қандай “Янги Ахси” шаҳрини барпо этмаганлиги аён бўлмоқда.

Ибрат мақолалари орқали ўша даврдаги ўлчов бирликлари ҳақида ҳам тушунчаларга эга бўлиш мумкин. Масалан, “Бобурнома”да берилган “Йифоч”<sup>6</sup> узунлик ўлчов бирлигини Ибрат “Тош”, деб атайди. “...Андижондин Ғарб тарафинда тўққиз тош

---

<sup>6</sup> Захириддин Мухаммад Бобур. Бобурнома.-Тошкент: Юлдузча, 1989.-Б.8.

йўлдур...”<sup>7</sup>. бундан йигоч ва тош ўлчов бирликлари бир хил қийматга эга эканлиги маълум бўлади.

Аллома мақолаларида Ахсида қадим замонларда уйлар 2-3 қаватли бўлганлигини, ҳаммом, мадрасалар, сарой ва еости сув кувурлари мазкур даврда ҳам кўриниб туришини ёзиб қолдирган.

Ибрат мақолаларини таҳлил қилиш орқали кейинчалик пайдо бўлган “Эски” ва “Янги” Ахси масалаларига ҳам ойдинлик киритиш имконияти тугилади. Ибрат ёзади: “...Ҳозирда Ахси икки ерда бўлиб, бирини Эски Ахси бирини Янги Ахси дерлар. Яни, Янги Ахси Эски Ахси бузилгандин сўнг қолган одамлар дарёдин қочиб Косон тарафинда баландлик биёбонга иморатлар қилиб кўп қишлоқ бўлганлар. Ҳозир Янги Ахсида ўн икки қишлоқ Шаҳанд деган бозорлик бир қишлоқ ила бир болуст бўлган...”<sup>8</sup>.

Шу ўринда “Янги Ахси” тушунчаси қачон пайдо бўлганлигига изоҳ бериб ўтиш жоиз кўринади. Маълумки, 1876 йил Қўқон хонлигидаги халқ

<sup>7</sup> Исҳоқхон тўра Жунайдуллаев. Фарғона обlastидаги қадимги Ахси шаҳрининг тарихи //Туркистон вилоятининг газети, №48.-1913.-23 июнь.

<sup>8</sup> Исҳоқхон тўра Жунайдуллаев. Фарғона обlastидаги қадимги Ахси шаҳрининг тарихи //Туркистон вилоятининг газети, №48.-1913.-23 июнь.

ҳаракати шафқатсизларча бостирилгач, унинг барча худудлари руслар томонидан босиб олинди. 1876 йилнинг 19 февраляда император Александр II нинг фармони билан ҳонлик тутатилди ва унинг ўрнида Фарғона области ташкил этилди.

Фарғона области дастлаб еттита уезддан ташкил топган эди. Бироқ кейинчалик Чуст ва Чимён уездлари қисқартирилди. Шундан кейин область таркиби бешта уезддан (Қўқон, Наманған, Скобелев, Андижон ва Ўш) иборат бўлиб қолди. Унинг таркибida 91 волость ёки 613 қишлоқ жамоалари мавжуд эди<sup>9</sup>. Ушбу волостлардан бири Наманған уездининг Чуст участкасига қарашли “Аҳси-Шаҳанд” волости эди. Ибрат домла ёзганидек, “Янги Аҳси” тушунчаси Аҳсикент зилзиласидан 100-200 йил кейин (айrim тадқиқотчилар даъво қилганидек, темурийлар даврида эмас) пайдо бўлган. Зилзиладан сўнг, омон қолган аҳоли шимол тарафга, яъни Косон тарафга кўчиб кетиб, баландик биёбонлар устида иморатлар солиб, қишлоқлар бунёд этади. Ана ўша қишлоқлар бир сўз билан “Янги Аҳси”, дейилади. Ибратнинг бу фикрлари

---

<sup>9</sup> Касымбеков К. Ф. Из истории народных движений в Фергане в конце XIX-начале XX века. Т.: Фан, 1978.-С.10.

“Бобурнома” даги “Сайхун дарёсининг Аҳси тарафи дашттур”<sup>10</sup>, сўзларига айнан монанддир. Яъни, омон қолган аҳоли ана ўша дашт тарафига кўчиб ўтган эди. Мақолада санаб ўтилган қишлоқлар “Аҳси-Шаҳанд” волостига бирлаштирилган бўлиб, Шаҳанд қишлоғидан туриб бошқарилган. Ибрат билан бир даврда яшаган И.А. Кастанье Эски Аҳси ёдгорлигини тадқиқ этган вақтида шаҳандлик Абдуқаҳхор Эшмуҳаммедов “Аҳси – Шаҳанд” волостининг бошқарувчиси эди<sup>11</sup>. Олим ўз асарида унинг фикрларидан фойдаланганлигини келтириб ўтган.

Ибратнинг мақолаларида берилган маълумотлар яна шуниси билан ҳам қимматлики, олим оғзаки маълумотларга таяниб қолмайди. Асосан, бирламчи маңбааларга асосланиб тадқиқотни давом эттирган. “...одамлар оғзидағи сўzlари кўп ажиб ва ғарип сўз

---

<sup>10</sup> Заҳириддин Мұхаммад Бобур. Бобурнома.-Тошкент: Юлдузча, 1989.-Б.8.

<sup>11</sup> Шаҳандлик волост бошқарувчиси Абдуқаҳхор мингбоши ҳақидаги маълумотлар хорижлик тадқиқотчи Э.Аллвортнинг “Жадидлар ҳақида яширинган ҳикоятлар” мақолосида ва Мўминжон Мұхаммаджоновнинг “Турмуш урунишлари” асарида берилган.

сўзлайдурлар. Аларни олмай маноқиб<sup>12</sup>дин ёзилди...”<sup>13</sup>.

Ибрат Ахси зилзиласига муфассал тўхталган. “1030 ҳижрийдаги зилзилада Ахсикент бузулган. Зилзилада Андижон ҳам бузулган эди...”<sup>14</sup>.

Бугунги кунда Фарғона водийси архитектура ёдгорликларига эътибор берилса, аксарият иморатлар асосан XVII-XVIII асрлардан кейинги даврларга мансублиги аён бўлади. Ўрта Осиёning бошқа шаҳарлари каби X-XII асрларга оид меъморий иншоотлар кам учрайди. Аллома асарларини ўрганиш асносида, бу саволларга ҳам жавоб топилгандек. Сабаби, Ахсикент вайрон бўлган вақтда айнан, Андижонда ҳам зилзила бўлганлиги таъкидлаб ўтилган. Шу билан бирга, Ахси зилзиласидан кейин харобазорга айланган шаҳар ҳолатини ҳам олим баён этиб кетган, яъни: “...Андин буён мазкур Ахсини ҳеч подшоҳлардин ёки фуқаролардин обод қилғон йўқ.

---

<sup>12</sup> Маноқиб – тасаввуф шайхлари, авлиёларнинг гўзал хислатлари, сифатлари мадҳ этилган асар.

<sup>13</sup> Исҳоқхон тўра Жунайдуллаев. Фарғона обlastидаги қадимги Ахси шаҳрининг тарихи //Туркистон вилоятининг газети, №48.-1913.-23 июнь.

<sup>14</sup> Исҳоқхон тўра Ибрат. Тарихи Фарғона.-Тошкент: Маънавият, 2005.-Б.35.

Дәхқонлар ва ўтингилар ҳар хил нимарса топиб олурлар. Чунончи, мис асбоблар ва шишалар, ҳар хил тошлар чиқодир. Күп ерлари дарёга кетгөндир, алхолда ҳам иморатларга аксари хищтарни андин олурлар”<sup>15</sup>. Демак, шаҳар зилзиласидан кейин ва хатто, XX аср бошларида ҳам у ерлардаги ғищлардан атроф чеккалардаги масжид ва мақбаралар биноси учун фойдаланилган. Бунинг исботини Жанжал-Файзиобод қишлоғида жойлашган “Мавлоно қози” мақбарасида ҳам кўриш мумкин. Мақбаранинг қибла томони деворлари айнан, ўрта асрларга оид Ахсикент ғищларидан, орқа ва ён томонлари эса XIX аср ўрталарига мансуб хом ғищлардан тикланган.

Ахси зилзиласи тафсилотларини Ибрат бирламчи манбааларга таянган ҳолда ёритиб берган. Чунончи: “Тарихи табақот ут-Тоҳирий”да мастурдурки: «Дар Фарғона зилзилаи азим воқе шуде дар санаи 1030 ҳижрий дар пойтахте Фарғона ке дар он ҳин Ахси буде аст. Бар наҳаж вайрон гардида ке чандин ҳазор мардумон дар зире иморат монде. Дар рӯзи аввал

---

<sup>15</sup> Исҳоқхон тўра Жунайдуллаев. Фарғона обlastидаги қадимги Ахси шаҳрининг тарихи //Туркистон вилоятининг газети, №48.-1913.-23 июнь.

бекафтод нуубат ҳаракаташ расида то муддате шаш моҳ имтиидод ёфте”<sup>16</sup>, - деган экон.

Зилзиланинг даҳшатли тафсилотлари ҳақида Эски Ахси ёдгорлигини ўрганган олим И. А. Кастанъенинг фикрлари: “...Мовароуннаҳр хукмдорларидан Надр Муҳаммадхонга атаб ёзилган “Ажойиб ат-табоқот” номли географик асарда муаллиф Муҳаммад Тоҳир ибн Абулқосим қуидагиларни ёзиб қолдирган: “...1030 ҳижрий (1620-1621 милодий) йилда Ахси вилоятида шундай бир оғат юз берди. Шундай ер қимираши содир бўлдики, Сирдарёдан чайқалиб чиққан сув дарё четидаги далаларни босиб кетди, сув билан чиқариб ташланган балиқлар типирчилади ва ўлди. Улкан дарахтлар илдизи билан қўпорилиб, ерга тушди. Кучли ва тез-тез ер қимирашидан иморатлар вайрон бўлиб, кўп одам қулаган биноларнинг остида қолиб ўлди. Кўп одамларнинг қўл-оёқлари синди, ҳайвонлар қўрқинчдан далаларга қараб қочди. Бу воқеаларни кўрган покиза эътиқодли кишилар ва

---

<sup>16</sup> Таржимаси: “Ҳижрий 1035 йил Фарғонада кучли зилзила содир бўлган. У вақтда Фарғонанинг пойтахти Ахси эди. Натижада у ерлар вайронага айланиб, бир неча минг кишилар иморатлар остида қолиб кетганлар. Дастлабки кун ер силкениши 70 мартағача етган ва олти ойгача давом этган”. (Искоқхон тўра Ибрат. Тарихи Фарғона.-Тошкент: Маънавият, 2005.-Б.3.)

оддий халқ орасида “қиёмат куни” ҳақидаги тахминий тасаввурлар ҳосил бўлди. Ҳар бир инсон ўз гуноҳлари учун тавба қилиб, Буюк Парвардигордан уни кечиришини сўрай бошлади. Олти ойгача зилзила шундай бўлиб турди. Масалан, биринчи куни зилзила 70 мартағача бориб етди. Шуниси қизиқки, энг қаттиқ зилзила Ахси қўргонининг ичида бўлиб, атроф қишлоқларда унча қаттиқ сезилмади. Шаҳардан бир фарсах (6-8 км.) масофада эса ҳатто, ҳеч қандай товуш ҳам эшигилмади. Асар муаллифи ушбу воқеаларни ўз кўзи билан кўрган эди. Шундан сўнг турклар<sup>17</sup> томонидан ахсилик саййид ва қози азоблаб ўлдирилиб, аҳолиси эса таланган эди”<sup>18</sup>.

Хуллас, зилзила Ахси қўргонининг ичида жуда кучли бўлган, атроф чеккаларда эса унинг асорати камроқ бўлган. Буни Ибрат ҳам ўз тадқиқотларида акс эттириб кетган. Шунингдек, бугунги кундаги

---

<sup>17</sup> Қалмоқлар бўлиши керак. Чунки бу даврда Мовароуннахрнинг шимоли-шарқий чегараларига қалмоқларнинг ҳужумлари кучайган бир пайт бўлиб, улар Бухоро хони И момкулихон (1611-1642) томонидан қувиб чиқарилади. Муаллиф шуни назарда тутган бўлиши керак.

<sup>18</sup> Кастанье И.А. Историко-этнографическая поездка в Наманганский уезд Ферганской области. I. Развалины Ахсыкента.-Ташкент: Коммерческая типография Я. П. Эдельмана, 1914.-С.11,12.

археологик қазишмалар өткідегі ҳолатлар ҳам шунга гувохлик беріб турибди.

Исҳоқхон Ибрат қадимда Ахсикентдан етишиб чиққан олимларнинг айримларини тилга олиб ўтган: “...Бу шаҳардин кўб ахли илм, ахли адаблар чиқиб, алардан баъзилари Абулвафо Мұхаммад бин абул-Қосим Ал-Ахсикатийдур. Ўз вақтида лугат ва тарихга ғоят олим ва моҳир эканлар. 520-нчи йилда вафот қилибдурлар. Бу зотнинг биродари Абу Рашод Аҳмад бин Абул Қосим. Бул зот ҳам адаб, фозил, шоир эканлар. Ҳар икковлари охир умрларида Марвда истиқомат қилиб, ўшал шаҳарда вафот қилибдурлар”<sup>19</sup>.

Мақолаларнинг аҳамиятли жиҳати яна шундаки, олим унда номлари зикр этилган яъни, мўғуллар босқинигача бўлган даврда яшаган ахсикатийларни айнан, ҳозирги Эски Ахси ёдгорлигига вояга етганликларини таъкидлаб, Умаршайх Мирзо ҳам худди ўша шаҳарни пойтахт қилганлигини ёзиб қолдирмоқда. Бундан хулоса чиқадики, темурийлар ҳеч қанақа “Янги Ахси” шаҳрини бунёд этган эмаслар. Умаршайх Мирзо ҳам айнан, IX-XII асрларда яшаб,

---

<sup>19</sup> Туркистан вилоятининг газети, 1913 йил, 7 июль, 52-сон.

ижод қилган машхур ахсикатийлар камолга етган шаҳарни ўз давлатининг пойтахтига айлантирган.

Ибрат Ахсикент тарихини битишга киришар экан, ўз даврининг етук олимлари билан фикр алмашади. Жумладан, Пискенд қозиси Муллахонжон қори билан суҳбатлашиб, шаҳар тарихига оид барча маълумотларни ёзиб юборишини илтимос қилган. Шунингдек, у берган маълумотлардан ўз мақоласида фойдаланганлигини ҳам қайд этган.

Олим тадқиқотларида айрим масалалар хусусида камтарона ёндашув қилганлигини кўрамиз. Жумладан, Ахси шаҳрини қачон пайдо бўлганлиги масаласини қуидагича ёзади: “... Ва лекин Эски Ахси шаҳрини асли биноси қаю замонларда ва қаю вақтларда бино бўлингандиги маълум эрмас”<sup>20</sup>. Яъни, тарихий илмий маълумотлар етарли бўлгандагина ўзининг қатъий фикрларини бериб ўтади. Шаҳарнинг қачон пайдо бўлганлиги борасида аниқ маълумотлар йўқлигига ишора қиласи. Лекин, шу ўринда ҳам айрим маноқиблардаги фикрларни келтириб ўтишни лозим

---

<sup>20</sup> Исҳокхон Ибрат. Фарғона музофотининг Наманган уези Чуст участкасига қарашли Шаҳанд бўлистига тобъе жойда вое бўлунмиш Ахси деб ном чиқорган қадимги эски шаҳарни хусусида //Туркистон вилоятининг газети, 1913 йил, 11 июль, 53-сон.

топади. Ибрат мавхум ҳолатда ташлаб кетган масалаларга кейинчалик археологлар илмий асосда аниқликлар киритиши. Яъни, шаҳарнинг пайдо бўлиши милоддан аввалги III асрга тўғри келишини олим А.Анарбаев илмий асосда исботлаб берди<sup>21</sup>.

Мақолада Эски Ахси вайрон бўлгандан кейин юзага келган 15 та қишлоқ бугунги кунда ҳам мавжуд бўлиб, Ахсикент манзилгоҳининг шимолий тарафида жойлашган.

У Эски Ахсини тадқиқ этар экан, мақолада манзилгоҳнинг харитасини бериб ўтган. Унинг аҳамияти шундаки, ушбу харита орқали бундан юз йил аввалги Ахсикент атрофидаги йўллар, қалъанинг тузилиши ҳақида маълумот олиш мумкин.

Ўз даврида маҳаллий аҳоли ўз вакиллари орқали Ахсикентдан топилган топилмалар, хусусан кумуш тангаларни Ибратга юбориб туришган. Олим тангалар кимнинг замонасида ва қачон зарб қилинганлигига аниқлик киритиб беради. “...Муҳтарам Ахси қозисини Юсуфхон воситаси илан юборилган Ахси шаҳри ҳаробаларидан топилган бир адад эски кумуш танга

---

<sup>21</sup> Анарбаев А. Ахсикент - столица древней Ферганы.-Ташкент: Тафаккур, 2013.-С.337.

хусусида. Ул эски кумуш тангани ичидаги бир тарафида хоқон бин ал-хоқон зараба Навruz Аҳмадхон деб ва бир тарафида калимаи шаҳодат хатти куфий илон ёзилгон экан. Тўрт бурчагида чаҳорёр номлари ҳам бор экан. Тарих 966 (1559 милодий сана-Т.К.) ёзилган экан. Бу тарихда Навruz Аҳмадхон Бароқхон лақаблик Тошкент шаҳрида хоқон лақаб ила Шайбонийхон авлодидан бири бир неча вақт хонлик қилиб Самарқанд, Бухоро ва Фарғона вилоятлари ўшал асрда анга тобъе экан...”<sup>22</sup>. Бу маълумот биринчидан, олимнинг Эски Аҳси ёдгорлиги тарихи билан жиддий шугулланаётганлигидан кўпчилик хабардор бўлганлигини билдиrsa, иккинчидан, у ердан топилган шайбонийлар даврига оид тангалар яна кўплаб, кейинчалик пайдо бўлган янглиш фикрларга барҳам беради.

Демак, XVI асрга, яъни шайбонийлар даврига доир тангаларнинг топилиши улардан аввал келувчи сулола темурийлар ҳам айнан шу ерда ҳукмронлик қилганлигидан далолат беради.

---

<sup>22</sup> Исҳокхон Ибрат. Туркистон вилоятининг газети, 1913 йил, 18 июль, 55-сон.

Шунингдек, ўша даврнинг айрим таомилларига ҳам изоҳ бериб ўтган. Яъни, хонлик тахтига шайбонийлар удуми бўйича сулоланинг мўътабар ёшли вакили ўтқазилиши, шу боис ҳам Убайдуллахон вафотидан сўнг, тахта ёши улуғ Бароқхон ўтирганлигини ёзиб қолдирган.

Ибрат баъзи меъморий иншоотларнинг қурилиш санасига ҳам изоҳлар билан аниқликлар киритган. Чунончи, Тошкентдаги Бароқхон мадрасаси билан Кўкалдош мадрасасининг қурилиш саналари орасидаги фарқ шулар сирасидандир.

Ибрат мақоласидаги хаританинг ўзига хос аҳамияти, унда Ахси қалъасининг умумий кўриниши, томонларининг тузилиш, атрофдаги жарларнинг баландлиги, манзилгоҳнинг умумий майдони кўрсатиб ўтилган.

Бу харита Ибрат билан айни бир пайтда Ахсикентда тадқиқот ишларини олиб борган француз олими Жозеф Антуан (Иосиф Антонович) Кастанье томонидан чизилган Эски Ахси ёдгорлиги харитаси билан деярли бир хил.

И.А.Кастанье 1913 йилнинг апрель ҳамда июнь - июль ойларида Россия императори ҳузуридаги

География жамиятининг Туркистон бўлими топшириғига кўра, Тошкент ва Наманган уъездларида тарихий-этнографик тадқиқотлар ўтказишга икки марта юборилган эди<sup>23</sup>.

Исҳоқхон Ибрат “Тарихи Фаргона”да ҳам Ахсиент шаҳрининг тарихи ҳақида Fқисман тўхталган. Мазкур асарни ёзиш учун эса жуда кўп бирламчи манбалардан фойдаланган. Улар жумласига Жамол Қаршининг «Тарихи мулҳиқоту-с-сароҳ», Мирхонднинг «Равзат ус-сафо» («Софлик боғи»), Тоҳир Муҳаммад бинни Имодуддин Сабзаворий қаламига мансуб “Тарихи табакот ут-Тоҳирий”, «Қомус ул-аълом», Абу Жаъфар Муҳаммад бинни Жарир ат-Табарийнинг «Тарихи Табарий» номли машхур тарихий асари, «Тарихи шоҳи Жарир» ва бошқа манбаларни киритиш мумкин.

Ибрат нафақат манбашунослик балки, нумизматика билан ҳам шуғулланганлиги маълум. Мисол учун, Ахсиентдан топилган тангалардаги ёзувларнинг ўқиб берган. Шунингдек, Сафед Булон зиёратгоҳидан топилган олтин, кумуш ва мис

<sup>23</sup> Кастанье И.А. Историко-этнографическая поездка в Наманганский уезд Ферганской области. I. Развалины Ахсыкента.-Ташкент: Коммерческая типография Я. П. Эдельмана, 1914.-С.1,2.

тангаларни ўрганиб, ўзининг «Жомиъ ул-хутут» номли ёзувлар тарихига бағишенганды асарида тасвирлари билан чоп эттиради.

Ибрат Фарғона водийси шаҳарлари тарихи хусусида фикр билдирар экан, Ахсикентдан бошқа шаҳарлар ҳам маълум бир даврларда пойтахт вазифасини ўтаганлигини ёзади. Жумладан: “Кубони Кубод ўзи бино қилган экон. Фарғона пойтахти ул вақтда Кубо экон. Ва баъзи вақтларда Ахсикент пойтахти бўлгон экон...”<sup>24</sup>.

Алломанинг асарларида келтирилган Фарғона водийсининг умумий тарихига оид маълумотлар ҳам қимматлидир. Масалан, Исломдан аввалги даврларда Кува шаҳрининг пойтахт бўлганлиги, у ерда Хушдод исмли шахс подшоҳлик қилганлиги, аҳолининг эътиқоди мажусийлик асосида бўлганлиги, шу даврларда Ахсида Ҳурмуз, Косонда эса Ихшид подшоҳлик қилганлигини ёзган эди. Ахсини араблар томонидан эгаланиши арафасида Ахсининг ҳукмдори Ҳурмузга араблар таслим бўлиш ҳақида нома киритганликлари, лекин подшоҳ буни рад этгач, Ахси

---

<sup>24</sup> Исҳоқхон тўра Ибрат. Тарихи Фарғона.-Тошкент: Маънавият, 2005.-Б.2,4,5.

атрофларида икки кун жанг бўлганлигини, учинчи куни эса араблар шаҳарни олиб, Ҳурмузни қатл қилиб, сўнгра Косон томонига отланганликларини ёзади.

Фарғона ҳижрий 96-97 йилларда Имом Қутайба бин Муслим даврида фатҳ этилиб, сўнгра Ислом дини кириб келганлигини баён этган эди. Шунингдек, худди Захириддин Муҳаммад Бобур юртимиздан етишиб чиққан олимлар хусусида ўз асарида фахр билан маълумотлар берганидек, Ибрат ҳам жумладан, «Ҳидояи шариф»нинг муаллифи Бурҳониддин Марғиноний, Сўфийуддин Абу Исҳоқ ибн Иброҳим Қубодий, Асириддин Ахсикатийнинг шогирди бўлган Рукниддин Қубойи, машҳур уламолардан амир ул-имом шамс ул-миллати ва-д-дин Муҳаммад бин Муҳаммад ал-Қубодий ва бопқаларни санаб ўтган<sup>25</sup>.

---

<sup>25</sup> Исҳоқхон тўра Ибрат. Тарихи Фарғона.-Тошкент: Маънавият, 2005.-Б.2.

## **Ибратнинг Ахсикент тарихи бўйича тадқиқотларининг Ватан тарихшунослиги учун аҳамияти**

Исҳоқхон Ибратнинг Фарғона водийси асосан, Ахсикент шаҳри тарихига оид қарашлари ғоятда аҳамиятлидир. Аввало Ислом дини кириб келиши арафасида Фарғона водийсида кечган тарихий жараёнлар ўзига хос тарзда баён этилган.

Олим қолдирган илмий мерос орқали тарихий адабиётларда учрайдиган айрим чалқашликлар ҳам ўз ечимини топмоқда. Масалан, “Бобурномада” тасвирланган “Банди Солор” йўли асл матнда “Бандсолур” шаклида эканлигини Ибратнинг мақолалари орқали аниқланди. Шу билан бу йўл ўтган худуд, йўналишга ҳам аниқлик киритиш имконияти пайдо бўлди. Яъни, бу йўл Ахси ва Андижон орасида, масофаси 9 йиғоч эканлиги ва ҳ.з. Ахсикент тарихи билан шуғулланаётган олимлар мазкур йўлнинг қаердан ўтганлиги бўйича изланишлар олиб бордилар. Бироқ бошқа бирон бир манбада бу жой номига дуч келинмади. Масалага Исҳоқхон Ибратнинг “Туркистон вилоятининг газити”даги Ахсикент ҳақидаги мақолалари тадқиқ этилганда ва “Бобурнома”нинг асл араб ёзувидаги матнини кўздан

кечирилгандагина аниқлик киритилди. Йўлнинг номи асл матнда “Банди Солор” эмас, “Бандсолур” шаклида битилган экан. Нашрга тайёрловчилар араб ёзувидан ўтиришда хатоликка йўл қўйганлар.

Қадимда Аҳсидан Сирдарё кўприги орқали ўтилиб, ҳозирги Андижон вилоятидаги Балиқчи, Чинобод, Олтинкўл йўли билан Андижонга борилган. Бандсолур йўли Сирдарёнинг чап қирғоғи бўйлаб ўтган. Топонимикада номланишни аввало, маҳаллий тилдаги сўзлардан излаш лозим. Бандсолур сўзи айнан, ўзбек тилидан олинган бўлиб, дарё, анҳор, сойлардан банд солиш йўли билан сув чиқариш, деган маъноларни англатади. “Банд” сўзига “Ўзбек тилининг изоҳли луғати” да жумладан шундай таъриф берилган: “Банд – тўсик, ғов; тўғон, Банд солмоқ”<sup>26</sup>. Энди мазкур йўлнинг географик тузилишига эътибор қаратсак, масала янада равшанлашади. Биринчидан, Сирдарё шарқдан ғарбга қараб оқади. Дарёning шимол тарафи юқорилаб боради, жанубий тарафи эса нишаброқ ҳолатни акс эттиради. Бундай ҳолатда чап қирғоқдаги экин

<sup>26</sup> Ўзбек тилининг изоҳли луғати.-Москва: “Рус тили” нашриёти, 1981.-Б.78.

ерларини суғориш учун Сирдарёга банд солиш йўли билан сув чиқариб, ерлар суғорилган. Шу боис ҳам бу йўл банд соладиган йўл, яъни “Бандсолур” йўли, деб аталган. Иккинчидан, Ахсидан Андижонга бориш-келиш учун ҳам чап қирғоқ масофа жиҳатидан яқин туради. Шу боис, Бобур Тошкентдан келаётганида Ахсига кириб отасининг мозорини тавоф қилганлигини, ундан жума намози вақтида чиқиб, Бандсолур йўли орқали Андижонга шом ва хуфтон намозлари орасида етиб келганлигини, бу йўл тўққиз йиғочлик масофа эканлигини ёзган\*.

Бобурномада 1499-1500 йиллар воқеаларининг ёритилиши асносида яна бир карра Бандсолур йўли тилга олинган. Шу даврда Аҳмад Танбал Тошкент хони Султон Маҳмудхондан мадад сўраган эди. Хон ўғли Султон Муҳаммад Хоникани (Султоним номи билан машхур бўлган-Т.К.) бек аткаси Аҳмадбек билан биргаликда 5-6 минг кишилик қўшин билан Косонни қамал қилиш учун Аҳмад Танбалга ёрдамга

---

\* Йиғоч - узунлик ўлчови 5985 м., баъзи жойларда 8-9 км. га teng. Исҳокхон Ибрат “Йиғоч” ўлчов бирлигини “тош” ҳам деб атайди. Айни пайтда “Йиғоч” фарсанг ёки фарсаҳга тенглаштирилади.

юборди. Улар Косонни қамал қилганлигининг хабари келган пайтда, Бобур Андижонда эди.

“...Андижондин Бандсолур йўли била Султоним била Аҳмадбекнинг устига отландук. Кечаси ҳеч ерда турмай, тун қотиб сабоҳи Ахсига туштук...”<sup>27</sup>.

XX асрда тарих фанида пайдо бўлган, Фарғона водийсининг мўғуллар томонидан босиб олиниши, вайрон қилиниши масаласи Ибрат тадқиқотларида учрамайди. Агар мўғуллар босқини Фарғона водийсида Совет давридаги айрим адабиётларда ёритилганидек амалга ошганида эди, бу ҳакда ёзматарихий манбаларда маълумот берилган, воқеалар жараёни эса ёритиб ўтилар ва албатта, Исҳоқхон Ибратдек забардаст олим, араб ва форс тилларининг чуқур билимдони ҳам бу мавзуни четда қолдирмаган бўлар эди. Айни пайтда темурийлар даври Ахсикенти ёки “Янги Ахсикент” қалъаси ҳақида масала олим тадқиқотларида умуман учрамайди. Агар ҳақиқатдан ҳам шундай шаҳар курилган бўлса, у ҳолда

---

<sup>27</sup> Захириддин Мухаммад Бобур. Бобурнома.-Тошкент: Юлдузча, 1989.-Б.66.

алломанинг мақола ва рисолаларида бунга ҳам диққат қилинган бўлар эди.

Шунга кўра, Ибратнинг илмий тадқиқотларига ва бирламчи манбаларга асосланиб, Фарғона водийси шаҳарлари мўғуллар томонидан вайрон этилмаганлиги, темурийлар томонидан эса “Янги Ахсикент” қалъаси ҳеч қачон қурилмаганлигини шундай илмий асослаймиз:

1) Захириддин Мухаммад Бобур “Бобурнома” асарида Умаршайх Мирзо пойтахт қилган Ахсини қуидагича тасвирлайди: “...Сайхун суйининг шимоли тарафидағи қасабалар: бири Ахсидур. Китобларда Ахсикат битурлар. Нечукким, Асириддин шоирни Асириддин Ахсикатий дерлар. Фарғонада, Андижондин сўнгра мундин улуғроқ қасаба йўқтур. Андижондин гарб сори тўқкуз йиғоч йўлдур. Умаршайх Мирзо муни пойтахт қилиб эди, Сайхун дарёси қўрғонининг остидин оқар. Қўрғони баланд жар устида воқе бўлубтур. Хандақининг ўрнига амийқ жарлардур. Умаршайх Мирзоким, муни пойтахт қилди, бир-икки мартаба ташқарроқдин яна жарлар солди. Фарғонада

мунча берк қўрғон йўқтур. Маҳаллоти қўрғондин бир шаръий йироқроқ тушубтур...”<sup>28</sup>.

Зеҳн солинса, Бобур Ахси ва Ахсикатни бир қалъа сифатида эътироф этмоқда. Зотан, бу макондан етишиб чиққан олимлар ўзларига Ахсикатий тахаллусини олганликларини, шунингдек, Асириддин шоир ҳам ахсикатлик эканлиги, шу боис ҳам у Ахсикатий нисбасини олганлигини, отаси Умаршайх Мирзо ҳам айнан, шу ерни пойтахт қилганлигини ёзади. Маълумки, Асириддин Ахсикатий<sup>29</sup> XII асрда яшаб ўтган машҳур шоирdir. Бобур бу ўринда Умаршайх Мирзо, айнан Асириддин туғилган шаҳарни пойтахт қилганлигини айтмоқда. Бундан XII асрда мавжуд бўлган ва китобларда “Ахсикат”, деб аталган шаҳар билан XV асрдаги “Ахси” шаҳри битта шаҳар эканлиги кўриниб турибди. Агар Умаршайх Мирзо китобларда “Ахсикат”, Бобур даврига келиб эса “Ахси”, деб аталган шаҳарни пойтахт қилган экан, демак гап битта қалъа ҳақида кетмоқда. Қолаверса,

---

<sup>28</sup> Захириддин Муҳаммад Бобур. Бобурнома.-Тошкент: Юлдузча, 1989.-Б.8.

<sup>29</sup> Асириддин Ахсикатий Абдулфазл Муҳаммад Тохир (1108/10, Ахсикат-1196/98, Озарбайжон, Ҳалхол шаҳри.)

бундан Ахсикатни мүгуллар вайрон қилмаганлиги тұғрисидаги хulosса ҳам келиб чиқади.

Шу билан бирга, Бобур тасвиrlаган қалъанинг ўрни ҳам Эски Ахси манзилгохининг географик тузилишига жуда мос тушади. Үз даврида Ахсикент шаҳрининг сўнгги даврлариغا замондош бўлган тарихчи-географ олим Маҳмуд ибн Вали ҳам ўз асарида тасдиқлаб, Асириддин шоир Ахсикатда туғилиб ўсганлигини ёзган эди<sup>30</sup>. Маҳмуд ибн Вали яшаб ўтган ва айни, Ахсикентда зилзила бўлган давр, яъни XVII аср бошларида қандайдир мавҳум “Янги Ахси” шаҳри мавжуд бўлган бўлса, уни бугунги кун олимларидан кўра, манбага 400 йил яқин турган тарихчи олим ёзиб ўтган бўлар эди. Бундан кўриниб турибдики, тарихда темурийлар томонидан ҳеч қанақа “Янги Ахси” шаҳри курилган эмас. Боз устига, биронта ҳам тарихий асарда бу ҳақда маълумот йўқ.

2) Бирон бир шаҳар, пойтахт куриш давлат газнасидан катта маблағни тақозо этади. Аввало, янги шаҳар барпо этиш учун эҳтиёж бўлиши лозим.

---

<sup>30</sup> Маҳмуд ибн Вали. Море тайн относительно доблестей благородных. (Перевод Б.А.Ахмедова).-Ташкент: Фан, 1977.- С.17.

Умаршайх Мирзонинг янги қалъа-шаҳар куришга маблағи етарли эдими? Ёки бунга ҳожат бор эдими?, деган саволларга жавоб бериш керак. Агар пойтахтни Андижондан кўчириш зарурати юзага келган бўлса, Фарғонада мустаҳкам мудофаа деворлари, ўз нуфузига эга бўлган Ўзганд, Ўш, Марғилон, Косон, Поп, Кува сингари қадимий, имконияти қулай шаҳарлар турган бир пайтда хазинадан улкан миқдордаги маблағни сарфлаб янги шаҳар солиш-бунёд этиш қай даражада заруратга айланган эди? “Бобурнома”да: “...Фарғона вилоятининг ҳосили била, агар адл қилсалар, уч-тўрт минг киши сахласа бўлур....”<sup>31</sup>, деб ёзади. Ўша даврда уч-тўрт минг навкарнигина таъминлаш имконияти бўлган давлатда, 10-15 йил ичидаги катта шаҳар-қалъа куриш мумкинми? Ўз ўрнида Умаршайх Мирзо давлатидаги молиявий имкониятни шу даврдаги бошқа ҳукмдорларникига солиштирганда, масалага янада ойдинлик киритилади. Бобурномада қозоқ хони Қосимхон ҳақида шундай дейилади: “...қазоқ хон ва сultonларининг орасида ҳеч ким ул улусни Қосимхонча забт қилғон эмастур. Черикини уч юз

---

<sup>31</sup> Захириддин Мухаммад Бобур. Бобурнома.-Тошкент: Юлдузча, 1989.-Б.8,9.

мингга ёвуқ ченарлар эди...”<sup>32</sup>. Яна Қундуз хукмдори Ҳусравшоҳ ҳақида: “...Навкари йигирма мингга ёвшуб эди...”, дейди<sup>33</sup>. Гоҳи подшоҳлар бир неча ўнг мингдан бир неча юз мингтагача кўшин сақлаш имкониятига эга бўлган пайтда, 3-4 минг нафар аскарнигина тасарруфида тутиш, давлатнинг молиявий имконияти шаҳар қуриш даражасида катта бўлмаганилигидан далолат беради.

Шунингдек, Бобур мирзо Умаршайх Мирзонинг адолатпарвар, ҳалоллиги борасида тўхталиб шундай ёзади: “...Адолати бу мартабада эдики, Хитой корвони келадурганда, Андижоннинг шарқий тарафидағи тоғларнинг тубида минг уйлук корвонни андоғ қор бостиким, икки киши қутулди. Хабар топиб муҳассиллар йибориб, корвоннинг жамиъ жиҳотини забт қилди. Ҳар чандиким вориси ҳозир йўқ эрди, бовужуди эҳтиёж сахлаб, бир-икки йилдин сўнгра Самарқанд ва Ҳурросондин ворисларини тилаб келтуруб, молларини солим топшурди....”<sup>34</sup>. Абул Фазл Алламий “Акбарнома” асарида юқоридаги

<sup>32</sup> Захирилдин Мухаммад Бобур. Бобурнома.-Тошкент: Юлдузча, 1989.-Б.14.

<sup>33</sup> Ўша манба. - Б.28.

<sup>34</sup> Ўша манба. - Б.10.

воқеани баён этар экан, Умаршайх Мирзонинг маблағга эҳтиёжи бўлишига қарамасдан молларни эгаларига топширганлигини ёзади<sup>35</sup>. Бир савдо карвонидаги маблағга эҳтиёжи бор ҳукмдор тезлик билан бутун бошли шаҳарни барпо қилиши нечоғли ҳақиқатга яқин?

Сўнгги пайтлардаги айрим олимлар “Бобурнома”да келтирилган ушбу сўзларни ўзларича “замонавийлаштириб” “бовужуди эҳтиёж” сўзини “бор вужуди эҳтиёт” шаклига келтириб талқин қилган ҳолда воқеликка баҳо бермоқдалар. “Бовужуди эҳтиёж” сўзи, “эҳтиёж мавжудлигига қарамай” маъноларини беради. Агар матн “Бовужуди эҳтиёт” шаклида яъни “эҳтиёт мавжудлигига қарамай”, шаклида табдил қилинса, у ҳолда мутлақо мантиқсиз жумла пайдо бўлиб, матн тушунарсиз ҳолатга келиб қолади. Отасининг пулга эҳтиёжи борлигини унинг фарзанди Бобур ёзаётганлигини унутмаслик керак.

---

<sup>35</sup> [http://www.vostlit.info/Texts/rus15/Allami/Tom\\_I/frametext16.htm](http://www.vostlit.info/Texts/rus15/Allami/Tom_I/frametext16.htm)  
Умар [Омар] -Шейх Мирза.

3) Тарихчилардан ал-Балазури Ахсикентни Фарғонанинг қадимий пойтахти, деб кўрсатиб ўтади. Захириддин Муҳаммад Бобурнинг холаси Хўб Нигорхонимнинг ўғли Мирзо Муҳаммад Ҳайдар эса, “Ахси Фарғона шаҳарларининг онаси ҳисобланади”, деб ёзади<sup>36</sup>. У ҳолда қайси Ахси назарда тутилмоқда, Фарғонанинг икки минг йиллик тарихга эга бўлган пойтахти Ахсикентми ёки қурилганига 15-20 йил бўлган - Янги Ахсими? Яқиндагина бунёд этилган шаҳарни “шаҳарлар онаси”, деб аташ қанчалар жоиз? Илло, сўз Ахсикент тўғрисида бормоқда. Демак, Бобур Мирзонинг замондоши, тарихчи олим, унинг холаваччаси Мирзо Муҳаммад Ҳайдар ҳеч қандай афсонавий “Янги Ахси”ни эмас, балки Умаршайх Мирзо пойтахтга айлантирган, азалдан мавжуд бўлган қадимий Ахси шаҳрини таърифламоқда.

4) 1414 йил Мирзо Улуғбек Фарғона сари қўшин тортиб, Ахсини қамал қилиб эгаллайди<sup>37</sup>. Бу воқеа Абдураззоқ Самарқандийнинг “Матлаи саъдайн ва мажмаи баҳрайн” асарида қуйидагича тасвирланади:

---

<sup>36</sup> Мирза Муҳаммад Ҳайдар. Тарихи Рашиди.-Ташкент: ФАН, 1996.-С.53.

<sup>37</sup> Фасих Ҳавафи. Муджмали-и Фасихи.-Ташкент: Фан, 1980.-Б.167.

“...Мирзо Улугбек Кўрагон Андижонга қараб юрди. Мирзо Амирак Аҳмад у ернинг қалъаларини мустаҳкамлаб, тоққа чиқиб кетди. Мирзо Улугбек у ернинг энг катта қалъаси бўлган Ахси қалъасини муҳосара қилди. У шундай қалъаки, унинг мезаналаридан фалак бошоқ (юлдуз)ларини териб олиш ва баланд хоналаридан фаришталар ғулғуласини эшлиш мумкин эди.

Қалъа аҳолиси қалъанинг мустаҳкамлигига мағур бўлишиб жанг аслаҳаларини ҳозирладилар. Ғалаба ёр лашкар қалъа атрофини зирҳ кўзи-ю ари уясидек (илма тешик) қилиб қалъани эгаллади ва лашкар аҳли кўлига кўп бойликлар кирди. Мирзо Улугбек раиятга тинчлик майдони ва омонлик маконидан ўрин берди ҳамда Поянда баковулни кутвол<sup>38</sup> тайинлаб, Андижон томон йўл олди”<sup>39</sup>.

1414 йилда Ахси шаҳри мавжуд бўлиб, Мирзо Улугбек уни қамал қилиб эгаллаган бўлса, демак мўғуллар уни вайрон қилмаган экан-да! У ҳолда Умаршайх Мирзони пойтахт учун янги Ахси, деб

---

<sup>38</sup> Кутвол-қалъа бошлиғи.

<sup>39</sup> Абдураззок Самарқандий. Матлаи саъдайн ва мажмаи баҳрайн. II жилд. Биринчи қисм.-Тошкент: Ўзбекистон, 2008.-Б.255.

аталган шаҳар қурганлиги мантиқсиз эмасми? Ю.Г.Чулановнинг бу тахмини қай даражада тарихий ҳақиқатга мос тушади?

5) Шарқшунос олим Турғун Файзиев “Мирзо Улугбек авлодлари” китобида XV асрдаги тарихий жараёнларни баён этар экан, Умаршайх Мирзога қадар ҳам Аҳси шаҳри мавжуд бўлганлиги ва у билан боғлиқ воқеаларни акс эттирган. Олим бу ўринда нодир қўлёзмалар: “Тарихи Абулхайрхоний”, “Тарихи касир”, “Матлаи саъдайн ва мажмаи баҳрайн” каби асарлардан фойдаланади. Берилган маълумотларга кўра, 1457 йили Абулқосим Бобур томонидан Абдуллатиф Мирзонинг ўғли Муҳаммад Жўкий Мирзо Шоҳрухия, Аҳсикент, Тошкент ва Сайрам вилоятларига ҳоким этиб тайинланади. Шунингдек, 1413-1414 йиллар воқеаларини баён этиш асносида Амир Темур невараси Аҳмад Мирзо мўғул қўшини ёрдамида Андижон ва Аҳсини эгаллаш учун ҳаракат қиласанлигини, лекин, қўлга кирита олмаганлигини ёзади<sup>40</sup>. Демак, ушбу мулоҳазалардан Аҳси шаҳри XV

---

<sup>40</sup> Файзиев Т. Мирзо Улугбек авлодлари. Тошкент: Ёзувчи, 1994.-Б.16,38.

асрнинг 70-80 йилларидан олдин ҳам мавжуд бўлганлиги ҳақидаги илмий хулоса келиб чиқади.

6) Ахси қалъаси XV аср бошларида ҳам бўлганлигининг яна бир исботи ҳижрий 817 йилда, яъни, милодий 1414 - 1415 йилларда бу ерда тангалар зарб қилинганигидир<sup>41</sup>. Мазкур тангалар нумизмат олимлар томонидан топиб ўрганилиб, илмий хулосалар ҳам берилган.

7) Профессор Н.И.Веселовский Эски Ахсини ўрганиш борасида берган ҳисоботида шаҳар XV асрда борлигини ёзса, тадқиқотчи И.А.Кастанье эса темурийлардан Умаршайх Мирзо, шайбонийлардан Жонибек султон айнан Эски Ахсидан туриб мамлакатни бошқарганликларини ёзган эди<sup>42</sup>.

8) Эски Ахси ёдгорлиги юзасидан тадқиқотлар ўтказган атоқли маърифатпарвар Исҳоқҳон тўра Ибрат “Тарихи Фарғона” асарида ҳамда “Туркистон вилоятининг газити” даги мақолаларида Ахсида (яъни,

---

<sup>41</sup> Шпенёва Л.Ю. Денежное обращение Ферганы и Шаша в эпоху тимуридов (медные монеты XV – нач. XVI в.): Автореф. дис... канд. ист. наук.-Ташкент, 1997.-24 с.

<sup>42</sup> Кастанье И.А. Историко-этнографическая поездка в Наманганская уезд Ферганской области. I. Развалины Ахсыкента.-Ташкент: Коммерческая типография Я.П.Эдельмана, 1914.-С.2,5.

Эски Ахсида) даҳшатли зилзила бўлганлигини, шундан сўнг у қайта тикланмаганлиги ёзиб қолдирган<sup>43</sup>. “...Эски Ахсини бузулган тарихи 1030 ҳижрийда бўлган экан. Андин буён мазкур Ахсини ҳеч подшоҳлардин ёки фуқаролардин обод қилгани йўқ. Дехқонлар ва ўтунчилар ҳар хил нимарса топуб олурлар, чунончи, мис асбоблар ва шишалар, ҳар хил тошлар чиқадур, кўб ерлари дарёга кетгандур”<sup>44</sup>. Шу билан бирга Ибрат мақоласида Умаршайх Мирзо пойтахти бўлган Ахси шаҳрининг харитасини ҳам чизиб келтирган (1-сурат). Шу ўринда бир ўринли савол туғилади, Ахси тарихини ёритишда таниқли.. шарқшунос-манбашунос, Ахсикент археологияси билан шуғулланган дастлабки маҳаллий олимлардан Исҳоқхон Ибратнинг илмий хуносаларига таяниш керакми ёки Наманган ўлкашунослик музейи ходими Ю.Г.Чулановнинг тахминларигами?

Ибрат ушбу мақоласи орқали Эски Ахси манзилгоҳини Умаршайх Мирзо ва Жонибек Султонлар пойтахт қилганлигини, Умаршайх

<sup>43</sup> Исҳоқхон тўра Ибрат. Тарихи Фарғона.-Тошкент: Маънавият, 2005.-Б.35.

<sup>44</sup> Исҳоқхон тўра Ибрат. История древнего города Ахси в Ферганской области //Туркестон вилоятининг газити, 1913.-№48.-23 июнь.

Мирзонинг қабри ҳам шу ерда эканлигини, уни Бобур тавоғ қилиб, Андижонга ўтиб кетганлигини, шаҳарда 1621 йили зилзила бўлганлигини ва кейинчалик у қайта тикланмаганлигини ёзиб кетган эди. Ибрат мақолада: "...Фарғона обlastida қадимги замонларда пойтахт бўлуб турган Аҳси ёки Аҳсикент деган катта шаҳар бўлган экан. Бул кунларда мазкур шаҳарнинг ўрни ва асорати яхши маълумдур..."-деб, ёзган эди. Бу жумлалардан яна айrim масалалар ойдинлашади: биринчидан, Аҳси ва Аҳсикент қалъасининг ўрни дейилганда битта ёдгорлик тушунилиши, иккинчидан шаҳар харобалари 1913 йилга қадар ҳам сақланиб қолганлиги, уни кейинги даврнинг айrim тарихчилари даъво қилганидек, дарё ювиб кетмаганлигиdir.

9) 1485 йили Хўжа Аҳрор валий ҳазратлари Султон Аҳмад Мирзо, Султон Маҳмудхон ва Умаршайх Мирзо ўрталаридаги зиддиятларни ҳал килиш мақсадида Марғilon томон йўл оладилар. 2007 йил чоп этилган “Кўхна Марғilon зиёратгоҳлари” китобида бу воқеа XV асрнинг охирида Марғилонда яшаб ўтган аллома мударрис Мавлоно Шоҳ Ҳусайн Чоркуҳийнинг ҳикояси асосида қуйидагича келтирилган:

“...Ушбу мuloқот вақтида Ҳазрати Носириддин Убайдуллоҳ Ҳожа Ахрор яқинда Ахсикентга Мирзо Умаршайх ҳузурига бориш ниятида эканликларини билдирилар”<sup>45</sup>. Демак, 1485 йил Умаршайх Мирзо Ахсикент, деб аталган пойтахт-шаҳарда фармонбардорлик қилган экан. Шуни таъкидлаш жоизки, ўз даврида Ахсикент, деб аталган шаҳар айнан ҳозирги Эски Ахси ёдгорлиги эканлиги барчага маълум.

10) XV-XVI асрларга оид маноқиблардан Ахсикентда жомъе масжиди борлиги, у ерда “Момо хотун” зиёратгоҳи мавжудлиги ва Ахсикент шаҳри билан боғлиқ бошқа воқеалар ёритилган мисоллар кўплаб келтирилган<sup>46</sup>. Авлиё аёл зиёратгоҳи ҳам бугун Ахси қишлоғида эмас, айнан Ахсикент худудида жойлашган. Бу манзил ҳозир “Лангарбиби” зиёратгоҳи, деб юритилади (2-сурат). Демак, XV-XVI асрларда Ахсикент шаҳар сифатида тилга олинар экан, бу шаҳарнинг вайрон бўлиши мўғуллар босқини билан

<sup>45</sup> Нодирбек Абдулаҳатов, Ўқтамжон Эшонбобоев. Кўхна Марғилон зиёратгоҳлари.-Фарғона: Фарғона нашриёти, 2007.-Б.196.; Мухаммад Муфти Оҳангароний. Мавлоно Лутфуллоҳ маноқиби.- Тошкент: Имом ал Бухорий жамғармаси, 2002.-Б.25.

<sup>46</sup> Мухаммад Муфти Оҳангароний. Мавлоно Лутфуллоҳ маноқиби.- Тошкент: Имом ал Бухорий жамғармаси, 2002.-Б.52.

эмас, ер силкиниши билан боғлиқлигидан далолат беради.

11) X асрда ёзилган “Худуд ул олам” китобида “Ахсикат-Фарғонанинг қасабаси, амир ва масъул аёнларнинг қароргоҳи эрур, катта шаҳар”<sup>47</sup>, дейилган. Шу даврда яшаган ибн Ҳавқал ҳам шаҳар номини Ахсикат, деб беради<sup>48</sup>. “Бобурнома”да ҳам муаллиф Умаршайх Мирзо ўз даврида Ахси, китобларда эса Ахсикат, деб битилган шаҳарни пойтахт қилганлигини ёзган эди. Бундан X асрдаги Ахсикат билан XV асрдаги Ахси шаҳри битта макон эканлиги ҳақидаги хулоса келиб чиқади.

12) Мамлакат тарихидаги бирон бир муҳим воқеа албатта, ўз даври тарихчилари назаридан четда қолган эмас. Масалан, соҳибқирон Амир Темур томонидан Байлақон шахрига асос солиниши Низомиддин Шомийнинг “Зафарнома” асарида ёзиб қодирган<sup>49</sup>. Ёки Султон Жалолиддин кўшинлари томонидан бир ярим йиллик қамалдан сўнг Ҳилот шаҳри 1230

---

<sup>47</sup> Худуд ул олам.-Тошкент: Ўзбекистон, 2008.-Б.15-16.

<sup>48</sup> Ибн Ҳавқал. Китоб сурат ал-ард.-Тошкент: Ўзбекистон миллий энциклопедияси, 2011.-Б.79.

<sup>49</sup> Низомиддин Шомий. Зафарнома.-Тошкент: Ўзбекистон, 1996.-Б.371-372.

йилнинг 14 апрелида босиб олинади. Шаҳар вайрон бўлған эди. Шунда, султон шаҳарни тиклаш ва қайтадан обод қилиш учун хазинадан 4 000 динор маблағ ажратади. Бу ўша давр учун улкан ҳажмдаги пул эди<sup>50</sup>. Академик В.В. Бартольд мўғуллар Бинокат шаҳрини вайрон қилгач, йиллар ўтиб соҳибқирон Амир Темур уни қайта тиклаганлигини ва ўғли Шоҳруҳ мирзо шарафига Шоҳрухия, деб атаганлигини ёзган эди<sup>51</sup>. Шундай экан, Умаршайх Мирзо Янги Аҳси шаҳрини курдирганлиги ҳақидаги маълумот қайси тарихий асарда ёзиб қолдирилган? Бу ҳақидаги тарихий далиллар қайси манбада акс этган?

13) Шарафуддин Али Яздийнинг “Зафарнома” асарида Амир Темур вафоти олдидан 1404 йили ўғил ва невараларига қайси худудларни инъом қилганлиги ҳақида ёзади. Манбада кўрсатилганидек: “...Андигон ва Аҳсикат ва Тароз ва Қошғар ва Хўтани амирзода Иброҳимга берди ва нишонлар бериб, ол тамға

---

<sup>50</sup> Шихобиддин Мухаммад ан-Насавий. Султон Жалолиддин Мангуберди ҳаёти тафсилоти.-Тошкент: Ёзувчи-Ўзбекистон, 1999.-Б.352.

<sup>51</sup> Бартольд В.В. Сочинения Т.І. Туркестан в эпоху монгольского нашествия.-Москва: Восточная литература, 1963.-С.226.

бостурди”<sup>52</sup>. Соҳибқирон ҳаётлик даврида суюргол сифатида берган шаҳарлар қаторида Аҳси ҳам санаб ўтилар экан, бундан Аҳсикат мӯғуллар даврида вайрон қилинмаганлиги яна бир карра маълум бўлади.

14) 1216-1222 йиллар оралиғида Ўрта Осиёда бўлган машҳур тарихчи Ёкут ал-Ҳамавий (1178-1228 йй.) ўзининг “Мўжам ал булдон” (“Шаҳарлар луғати”) асарида Аҳсикентни обод ва кўркам шаҳар эканлигини, кўрган-билғанларини ёзиб қолдиради. Чунончи, мӯғул босқинини ўз кўзи билан кўрган, воқеалар шоҳиди бўлган шахс уни вайрон этилмаганлигини ўз асарида ёзиб қолдирмоқда. Агар муаллиф ўз асарини 1222 йилдан, яъни мӯғул босқинидан кейин ёза бошлаганлигини инобатга олсак, у ҳолда шаҳар мӯғуллар босқинидан кейин ҳам вайрон бўлмасдан гуллаб яшнаганлиги маълум бўлади. У ҳолда, шаҳарни мӯғуллар вайрон қилганлиги даъвосини қилаётган тарихчилар, қайси манбааларга таяниб, бундай фикр билдираётганликларига аниқлик киритиш лозим бўлади.

---

<sup>52</sup> Шарафуддин Али Яздий. “Зафарнома”.-Тошкент: Шарқ, 1997.-Б.293.

15) Ю.Г.Чуланов ўзининг мақоласида Ахсикент I дан фарқли равишда Ахсикент II да хом ғиштдан қурилган мустаҳкам деворлари йўқлигини ва шаҳар қисмларга ажратилмаганлигини ёзган ва унинг тахминий жойлашиш чизмасини келтирган (3-сурат). Бунинг ўзиёқ, Захириддин Мухаммад Бобур тасвирлаган Ахси манзарасига мутлақо қарама-қарши фикрдир. “Бобурнома”да “...Фарғонада мунча берк қўргон йўқтур... Хўжанд суйининг шимол жонибидинким, Султон Маҳмудхон мутаважжих эди, келиб Ахсини қободи, Жаҳонгир Мирзо анда эди, беклардин Али Дарвешбек, Мирзокули Кўкалтош, Мухаммад Боқирбек, Шайх Абдулло эшикоға Ахсида здилар. Вайс Лоғарий, Мир Ғиёс тағойи ҳам анда эди.... Хон Ахси ёвуғига келиб неча қатла уруш солди, ҳеч иш қила олмади. Ахсидағи беклар ва йигитлар яхши жонлар тортилар. Бу аснода Султон Маҳмудхонға ориза бўлди, уруш солиб ҳам ўсониб эди, ўз вилоятиға мурожаат қилди...”<sup>53</sup>.

Султон Махмудхондек тажрибали  
лашкарбошининг шаҳарни қамал қилиб

<sup>53</sup> Захириддин Мухаммад Бобур. Бобурнома.-Тошкент: Юлдузча, 1989.-Б.8,18,19.

ололмаганлиги, шунингдек, Абдураззоқ Самарқандий ҳам ўз асарида Ахсини мустаҳкам мудофаа деворлари ва баланд минораларга эга қалья эканлигини тасвирлагани, қолаверса, Умаршайх Мирзодек подшоҳ буни асосли тарзда пойтахт қилганлиги Ю.Г.Чулановнинг фараз, тахминлари мутлақо нотўғри эканлигини исботлаб турибди. Сўнгги пайтларда, Ю.Г.Чулановнинг фикрларини асос қилиб олган ҳолдаги айрим мақолалар матбуот саҳифаларида пайдо бўлдики, улардаги мулоҳазалар Умаршайх Мирзодек подшоҳнинг ақл-заковоти, раҳбарлик қобилиятига нисбатан беписандлик кайфиятини ҳосил қиласди. Бундай мазмундаги қарашларнинг берилиши Умаршайх Мирзо шахсига нисбатан ҳақорат эмасми?! Наҳотки, Умаршайх Мирзодек подшоҳ пойтахтга арзигулик жой бўлмаган шаҳарни пойтахт қилган бўлса, бизнингча ундай эмас. Аҳси пойтахтга муносиб, мустаҳкам мудофаа ишшоотларига эга шаҳар бўлган. Буни шу ерда яшаб ўтган, камолга етган, воқеаларнинг гувоҳи бўлган, дунё тан олган олим ва ҳукмдор Захириддин Муҳаммад Бобур ёзмоқда. У ҳолда кимнинг гапларига ишониш мантиқлироқ бўлади? Ю.Г. Чулановнинг тахминларигами? Ёки саркарда,

олим ва подшоҳ бобокалонимиз Бобур Мирзонинг ёзма маълумотларигами?

16) Бугунги кунда Ахсикентга Косонсойдан сув олиб, Тўрақўргон шаҳри орқали ўтиб келадиган ва тўғри ҳозирги Эски Ахси ёдгорлигига келадиган ариқ ҳам Ахси ариқ, деб номланади. Шунингдек, Наманган шаҳридаги эски йўл орқали Ахсикентга олиб борувчи қадимий кўчанинг номи ҳам Ахси кўчаси, деб номланади. Агар шаҳар мўғуллар даврида, бундан 800 йил муқаддам вайрон бўлганида эди, топонимикада ҳам бу ўзгариш акс этиб, кўча ва ариқларнинг номлари бошқача ном билан аталаётган бўлар эди.

17) Ахсикентни мўғуллар томонидан истилоси масаласига келсак, яна бир талай саволларга жавоб беришга тўғри келади. Мўғул қўшини Фаргона водийси ёки Ахсикентни қачон босиб олган? Мўғул қўшинининг лашкарбошилари кимлар эди? Жанглар қаерда кечган ва қачон бўлган? Шу даврда уларга қарши курашган Ахсикент, умуман Фарғона хукмдорлари ёки қўшин бошлиғи-лашкарбошилари кимлар эди? Энг асосийси, бу ҳақда қайси асарлардан излаймиз? Бу маълумот қайси ишончли манбадан

олинмоқда? Ахсикент ва Фарғонанинг бошқа шаҳарлари мўғуллар босқини даврида вайрон этилган, дейишдан аввал юқоридаги саволларга жавоб беришга тўғри келади.

Табиийки бу саволларнинг барчаси очиқ қолади. Умуман, мўғуллар босқини Фарғона водийсида қай даражада кечганлиги, улар Фарғонани қай тариқа босиб олганликлари масаласи алоҳида мавзу бўлганлиги боис, ушбу масалани кейинги тадқиқотларимизда юқоридаги манбаларга таянган ҳолда баён этамиз.

Агар мўғул босқини XX асрнинг 70 йилларидан кейинги адабиётларда берилган тахминларга кўра амалга ошмаган бўлса, у ҳолда Ахсикент шаҳрининг мўғуллар томонидан вайрон этилганлиги-ю Умаршайх Мирзонинг Янги Ахси қальясини қуришга мажбур бўлганлиги ҳам асоссиз бўлиб чиқади. Бу масаланинг бир томони. Иккинчидан эса, Ю.Г.Чулановга қадар барча олимлар Эски Ахси зилзила туфайли вайрон бўлганлигини тасдиқлаб, ўз илмий хуносаларини бериб кетганлар.

18) Ю.Г.Чуланов маълумотида Сирдарё суви 500-800 метргача бўлган масофада Ахси қўрғони ўрнини ювиб кетганлигини, шу боис ҳам шаҳарнинг асосий қисми бизгача етиб келмаганлигини исботламоқчи бўлади. Мантиқан олиб қаралганда, Янги Ахсини 500-800 метргача оқизиб кетган дарё нима сабабдан дастлаб ундан олдин келадиган Эски Ахсини ўз домига тортиб кетмади? Баландлиги бир неча ўн метр, узунлиги бир километр, энига 800 метргача ерни ҳақиқатан ҳам сув ювиб кетганида бу ҳудуд ирригация тизимиға ҳам ўзининг таъсирини ўтказган ва Сирдарё бошқа ўзандан оқаётган бўлмасмиди? Башарият тарихидаги муҳим воқеалар қаторида улкан аҳамиятга эга бўлган табиий оғатлар ҳам муаррихлар томонидан қайд этиб борилган. Масалан, ҳатто бундан деярли 1200 йил аввал, 829 йили Фарғонада рўй берган зилзила ва унинг оқибатларини баён қилиш ўша давр тарихчиларининг назаридан четда қолган Ҷамъиёт мусавиати<sup>54</sup>. У ҳолда, Янги Ахси қалъасини дарё ўз домига тортиб кетганлиги ҳақидаги маълумот қайси манбада ифода этилган. Бу каби даъволар билан юрганларнинг

<sup>54</sup> Абу Сайид Гардизи. Зайн ал-Ахбар.-Ташкент: Фан, 1991.-С.128.

фикрлари учун манбавий асос бўла оладиган тарихий хужжат мавжудми?

19) “Бобурнома”да яна бир эътиборли жиҳат бор. Бу Ахси кўприги масаласи. Бобур 1502-1503 йиллар воқеаларини ёритар экан, Ахсида кўприк борлигини, тунда унга қўриқчи кўйилмаганлиги туфайли, Аҳмад Танбал кўприкдан ўтиб Ахсига кириб келганлигини ёзган эди: “...Кўпрукка киши қўймоқ керак эди, кўпрукка ҳам киши қўймадук. Бетажрибалиқдин мундоқ ўсаллар бўлди. Тонг бошида Танбал етти. Уч минг яроғлиқ киши била келиб кўпрукдин ўтуб аркка кирди...”<sup>55</sup>.

Ана энди, Ахси кўприги қаерда жойлашгани ҳақидаги савол тугилади. Табиийки, Сирдарё устига фақатгина дарёнинг эни энг тор ва қулай бўлган жойидангина кўприк иншоотини куриш мумкин. Эндиликда Интернетдаги “Google” қидиув тизими орқали олинган мазкур ҳудуд харитасига назар ташланганда, кўприк учун энг мос жой ҳам айни ҳозирги кўприк ўрни ҳисобланади (4-сурат).

---

<sup>55</sup> Захириддин Муҳаммад Бобур. Бобурнома.-Тошкент: Юлдузча, 1989.-Б.100-101.

Алалхусус, азим дарёning ҳар 5-10 чақирим оралиғига ҳадеганда күпприк қурилавермас. Демак, Эски Ахси қўрғони этагида жойлашган ҳозирги күпприк ўрни XV асрда ҳам мавжуд бўлган. Фақат 1621 йилги зилзила вақтида, балким ундан кейин шаҳар вайронага айлангач, күпприк ҳам бузилиб кетган бўлиши мумкин. 1913 йилда И.А. Кастанье бу ерда кишиларнинг дарёning у бетидан бу бетига ўтказиб турувчи маҳсус кемачилар бўлганлигини ёзган эди. XX асрга келиб, маҳсус кемалар (соллар, паром) орқали кишиларни дарёдан ўтказиш учун танланган манзил ҳам тасодифий бўлмаслигини ҳисобга олиш лозим. Демак, қачонлардир шу ерда Бобур тасвиrlаган Ахсига олиб киравчи күпприк бўлган бўлиши эҳтимолдан ҳоли эмас.

20) Бобур мирзо ўз асарида: "...Андижон суйи Ўшдин келур, Ахси суйи Косондин келур....",<sup>56</sup> дейди. Агар еости сув йўли назарда тутилса, бу ҳам Эски Ахси ҳудудидан топилган. Яъни, Косонсойдан еости сопол қувурлари орқали Ахсикентга сув олиб келингани барчага маълум (5-сурат). Агар-да, еrustи сувлари хусусида фикр юритиладиган бўлса ҳам,

---

<sup>56</sup> Заҳириддин Муҳаммад Бобур. Бобурнома.-Тошкент: Юлдузча, 1989.-Б.8.

Косонсойдан ариқлар орқали сув тўғри Ахсикентга олиб келинганинг шоҳиди бўламиз (6-сурат).

Шунингдек, археолог олимлардан А.Анарбаев ва И.Ахроровлар ҳам ўз илмий мақолаларида Ахсикентга сув Косонсойдан олиб келинганини ёзган эдилар: "...Сунъий сугориш учун Косонсойдан ариқ ва каналлар қазиб чиқарилган. Ахсикат шаҳрига сув шундай ариқлар орқали келган. Шаҳар ҳудудида ҳам сув ариқларда оққан.

Х асрга келиб шаҳар сув таъминотида кескин ўзгариш содир бўлиб, мутлақо янги тизим яратилди. Ахсикатнинг муҳандис-ирригаторлари пухта пишиқ ишланган лойиха асосида бир неча юз йил давомида фойдаланиш мумкин бўлган ерости сув иншооти тизимини яратдилар”<sup>57</sup>. Ушбу хуноса ҳам “Бобурнома”даги фикрларни айнан тасдиқлаб, бугунги Ахсикент ёдгорлигининг сув иншооти хусусида сўз юритилаётганлигидан далолат беради.

Бундан ташқари, бугунги кундаги айрим адабиётларда Исҳоқхон Ибрат ва И.А.Кастанъелар

<sup>57</sup> Анарбаев А., Ахраров И. Водоснабжение средневекового города Ферганы (по материалам Ахсикента). Я.Г. Гулямов и развитие исторических наук в Узбекистане.-Ташкент: Фан, 1988.-С.19-20.

томонидан чизиб кўрсатилган Эски Ахси ёдгорлигининг харитасига хилоф равища ерусти сувларини ариқлар орқали Косонсойдан тўғри ҳозирги Ахси қишлоғига келганлигини тасвиirlаб чизилган хариталар берилмоқда. Бу сунъий ихтиро қилинаётган лойиҳалар илмий ҳақиқатларга мутлақо зиддир. Чунки, Ахси қишлоғи билан Косонсойдан сув оладиган Ахси ариғини орадаги Жанжалсой сойи ажратиб туради. Ахси қишлоғига сув табиий ҳолатда бора олмаслиги шундан ҳам маълумки, сойнинг бошланғич нуқтасининг ўзидаёқ қирғоқ баландлиги сув сатҳидан 4-5 метр юқорида жойлашган. Жанжалсой ўзининг қуйилиш нуқтасига яқинлашгани сайин бу баландлик янада ортиб боради. У ҳолда, Косонсойдан табиий оқар сув бориши душвор бўлган ҳудудда янги бир шаҳарни машаққат билан қуришга эҳтиёж борми, деган савол туғилади. Шунингдек, ҳатто эндиликда ҳам Шимолий Фарғона каналини Жанжалсойнинг чап қирғогидан ўнг қирғоги, яъни Ахси қишлоғи томонига олиб ўтиш учун сунъий кўтарма сув йўли – Акведук қурилган ва шу орқали олиб ўтилган (10-сурат).

21) Умаршайх Мирзо жарга тушиб кетган жойдаги каптархона масаласи ҳам аниқлик киритилиши даркор бўлган жихат ҳисобланади. Ю.Г.Чулановнинг фикрича дарё қалъа майдонини 500-800 метргача ўпириб кетган бўлса, у ҳолда каптархоналар ҳам дарё сувига ғарқ бўларди. У ҳолда бугунги Ахси қишлоғида каптархона, деб аталган манзилни Умаршайх Мирзо давридаги каптархона билан бир жойда бўлган дея, қиёслаш қай даражада асосли бўлади? Ваҳоланки, Эски Ахси жарларининг юқори қисмларида ҳам асосан каптарлар ин қурганлигини И.А. Кастанье ҳам ёзиг қолдирган. Бу ерлардаги аҳоли, хусусан, бугунги қариялар Ахсикент харобаларининг жануби-шарқий қисмидаги жарларнинг юқори қисмида олдинлари кўплаб каптар уялари бўлиб, у ерлар каптархона, деб аталганлигини айтишади. Айни даврда, юзлаб каптарлар бугун ҳам худди ўша ерларда уя қуриб яшаётганлигини таъкидлаш жоиз (7-сурат). Бу масаланинг бир томони. Аслида Умаршайх Мирзо фаолиятини каптархона ёки каптарлар билан боғлайвериш унчалик ҳам тўғри эмас. Чунки, “Бобурнома”да: “...Умаршайх мирзо жардин кабутар

ва кабутархона била учуб, шунқор бўлди.”<sup>58</sup>, дейилган холос. Яъни, гап қаптархона, деб аталувчи макон хусусида эмас, қаптарлар турадиган уйча ҳақида бормоқда. Асарда Ахсида “қаптархона”, деган маҳсус жой бўлганлиги ёки қаптар парваришилаш Умаршайх Мирзонинг севимли машғулоти эканлиги ҳақида ҳеч қандай маълумот берилмаган. Бошқа асарларда ҳам Умаршайх Мирзонинг қаптарлар билан боғлиқ фаолиятига тўхталиб ўтилмаган. Айрим кишилар бу шаҳарлар орасида қатновчи “хабарчи” қаптарлар бўлган, деган фикрларни билдирадилар. Бу ҳақда ҳам ҳеч қандай маълумот йўқ. Шу боис, тахминларга асосланиб тарих битишдан кўра, ноаниқ масалаларни очиқ қолдириш афзалроқ кўринади.

22) Мўғуллар давригача бўлган асарларда Ахсикентнинг деворлари пахсадан тикланганлиги қайд этилган<sup>59</sup>. Аммо ҳозирда Эски Ахси ёдгорлиги кўздан кечирилганда, хом ғиштдан қурилган бино деворларини кўриш мумкин (8-сурат). Демак, хом ғиштли деворлар кейинги давр маҳсули. Бу эса Эски

---

<sup>58</sup> Захириддин Мухаммад Бобур. Бобурнома.-Тошкент: Юлдузча, 1989.-Б.9.

<sup>59</sup> Ибн Ҳавқал. Китоб сурат ал-ард.-Тошкент: Ўзбекистон миллий энциклопедияси, 2011.-Б.79.

Ахсида ҳаёт кейинги асрларда ҳам давом этганилигидан далолат беради.

23) Профессор Н.И.Веселовский Эски Ахсининг 5 та ҳудудини танлаб олиб, ҳудудларларнинг 10 та пунктида қазишима ишларини олиб борган. Чунончи, археологик қазишима пунктларидан тартибсиз ҳолда ётган одам бош косаси, уларнинг устида эса тескари ҳолатда тўнкарилган сопол буюмлари топилган. Чаноқ суюкларининг юқори қисми тепага қараган кўринишда топилиши ҳам фақатгина табиий оғат, яъни, зилзила ёки табиий ҳодисалар пайти учунгина хослигини унутмаслик керак.

24) Ахсикентда топиб ўрганилаётган ерости сув иншоотига назар ташланса, гайриоддий ҳолатга кўз тушади. Шу билан бирга, Эски Ахси вайроналаридағи уюм-уюм тўпланиб ётган сопол идиш синиклари, ерости сув қувурларидаги ғишт ва сополларнинг лойга қоришиб қотиб қолган ҳолати ҳам мутахассис сейсмолог олимларнинг фикрига кўра фақатгина табиий оғат натижасида бўлишидан дарак. Яъни, зилзила даҳшатли бўлганлигидан, ер ёрилиб, деворлар

кулаб тушганлиги ва барча ашёлар ёрилган ер қаърига чўкканлигидан далолат беради<sup>60</sup>. (9-сурат).

Еростидаги сув қувурларини назорат қилиш учун мўлжалланган бу иншоот ким томонидан, қачон ва нима мақсадда лой ва тупроқ билан тўлдириб ташланди? Аслида бунинг иложи борми? Ундан кўзланган мақсад нима бўлиши мумкин? Шунингдек, бутун ёдгорлик узра ва қазилмалар остида майда бўлакларга бўлиниб ётган ғишт ҳамда сопол парчаларини атайин, шу ҳолатга келтириш мумкинми? Ёки ундан босқинчи учун наф борми? Кўриниб турибдики, бу ҳолат сейсмология соҳаси олимларининг берган маълумотларига кўра, фақатгина улкан фожиавий зилзила оқибатидагина бўлиши мумкин.

25) Яна бир муҳим масала Янги Ахси атамаси темурийлар даврида эмас, XIX асрнинг сўнгги чорагида пайдо бўлганлигидир. Исҳоқхон Ибрат бу масалани ҳам ўз мақолаларида ёритиб ўтган. Мустамлака даври маъмурий тузилишига кўра,

---

<sup>60</sup> Кастанье И.А. Историко-этнографическая поездка в Наманганский уезд Ферганской области. I. Развалины Ахсыкента.-Ташкент: Коммерческая типография Я.П.Эдельмана, 1914.-С.12.

бугунги кундаги Ахси қишлоғи билан Шаҳанд қишлоғи орасидаги қишлоғлар “Ахси-Шаҳанд” волостига бирлаштирилган бўлиб, халқ тилида “Янги Ахси”, деб аталган. Яъни, “Янги Ахси” атамаси темурийлар янги шаҳар қуриб, уни “Янги Ахси” номи билан атаганлигидан келиб чиққан ном эмас.

Шу ўринда табиий бир савол туғилади: нима сабабдан Ю.Г.Чулановнинг таҳмини кейинги ўринларда илмий асос сифатида қабул қилинди? Фикримизча, марказдан келган бу мутахассиснинг фикрига ўша даврда ҳеч ким эътиroz билдира олмаган. Бу борада шунга яқин бошқа мисолларни ҳам келтириш мумкин. Масалан, собиқ советлар даврида соҳибқирон Амир Темур шахсига тухмату бўхтонга тўла салбий муносабат, истиқлолчилик ва жадидчилик ҳаракати намояндадалири ҳақида тарихий ҳақиқатни атайин, бузиб кўрсатилиши, юзлаб ватанпарвар зиёлиларимизнинг бадном этилиши. Булар хусусида ўз даврида ҳеч қандай эътиroz, раддия фикр бериб бўлмас эди. Бунга ақадемик И.Мўминовнинг амир Темур тўғрисидаги ҳаққоний фикрлари акс этган биргина рисоласи туфайли не кунлар бошига тушганлигини эслаш кифоя.

Мисол учун тарихчи-археолог И.Ахроров Ю.Г.Чулановгача бўлган даврда Янги Аҳси ҳақида бирон фикр бермаган. Эски Аҳси зилзила туфайли вайрон бўлганлиги, Умаршайх Мирзо шу ердан тахтни бошқарганлигини ёзган бўлса<sup>61</sup>, XX асрнинг 60-йиллари охиридан бошлаб эса, Ю.Г. Чулановнинг фикрига таяниб ёзилган илмий мақолаларни эълон қила бошлади<sup>62</sup>. Мана шунинг ўзидан кўриниб турибдики, мазкур масалада ҳам марказ чизиб берган “чизик”дан чиқмай иш кўриш табиий ҳолат бўлган.

Масаланинг яна бир муҳим жиҳати, шаҳарнинг вайрон бўлишини мўғуллар босқини билан боғлаш бу – даҳшатли Аҳси зилзиласида ҳалок бўлган отабоболаримиз, аждодларимизни эсдан чиқариш, деганидир (11-сурат).

Ушбу ғайрииљмий хulosанинг яна бир салбий жиҳати бор. Аввало, Фарғона водийси мўғул давлати таркибиға қай ҳолатда киритилганлигини манбаларга

---

<sup>61</sup> Ахроров И. Археологические исследования городища Ахсикент в 1960 году //Общественные науки в Узбекистане.-1962.-№8.-С.54,58,59.

<sup>62</sup> Ахроров И. Новые археологические материалы с городища Ахсикет XIV—XVI веков //Общественные науки в Узбекистане.-1969.-№ 8-9.-С.80-81.

таянмасдан фақат тахминлар асосидағина ёритилишига олиб келса, бошқа бир тарафи Шарқий қорахонийлар, найманлар ва мұғуллар давлати үртасидаги сиёсий муносабатлар тарихини мутлақо нотұғри изохланишига олиб келади.

Шу туфайли, Ахсикент тарихини ёритишида асосли тарзда Исҳоқхон Ибрат илмий меросига таяниш энг түғри йўл эканлиги маълум бўлади.

### **“Янги Ахсикент” ғоясининг Ватан тарихшунослигидаги салбий жиҳат ва оқибатлари:**

- 1) Ахсикентнинг 400 йиллик (1221-1621 йиллар) тарихи йўққа чиқарилади;
- 2) Темурийлар “Янги Ахсикент” шаҳрини курганлигини исботлаш учун сохта тарих яратилади;
- 3) Ахсикент билан унинг атрофида жойлашган аҳоли масканлари орасидаги масофаларни аниқлашда чалкашликлар келиб чиқади;
- 4) Ахси қишлоғи атрофида тарихий манбаларга зид равишда сохта-сунъий қадамжо, зиёратгоҳлар пайдо бўлади;
- 5) Ахсикент зилзиласида оламдан ўтган инсонлар хотираси эсдан чиқарилади;
- 6) Фарғона водийсининг мұғуллар давлати таркибиға қай тариқа кирғанлиги тарихи нотұғри талқин қилинади;

- 7) Шарқий Қорахонийлар давлатининг тарихи ёлғон асосида ёритилади;
- 8) XIII аср бошларида Ўрта Осиё минтақасидаги геосиёсий вазият, найманлар давлатининг Фаргона водийси ва Қошғар аҳолисига нисбатан юритган мустамлакачилик сиёсати, ўтказган зулмлари унудилади;
- 9) Ахсикент ёдгорлиги (Эски Ахси)дан топиладиган археологик топилмаларнинг санаси нотўғри белгиланади;
- 10) Ахсикентни бошқа шаҳарлар билан боғлаган савдо йўллари ҳақида нотўғри маълумотлар, тушунчалар юзага келади;
- 11) Тарихий ёзма миллий манбаларимизга нисбатан ишончсизлик, шубҳа, беписандлик кайфияти туғилади;
- 12) Шарқ алломалари: Ёқут ал-Ҳамавий. Захириддин Муҳаммад Бобур, Мирзо Муҳаммад Ҳайдар, Маҳмуд бин Вали, Сайид Муҳаммад Тоҳир, Исҳоқхон Ибратларнинг илмий мероси шубҳа остига кўйилади, ҳаспўпланади;
- 13) XIX аср охири XX аср бошларида Ахсикент бўйича тадқиқот ишларини олиб борган европалик ва маҳаллий олимларнинг асосли илмий хulosалари йўққа чиқарилади;
- 14) Темурийлар даври Ахсикентининг географияси, жойлашган ўрни масаласи нотўғри талқин қилинади;
- 15) Ёш авлодда ўтмишга нисбатан нотўғри муносабат уйғотилади, ғайриилмий тарих билан қуроллантирилади.

## **Исҳоқхон Ибрат томонидан яратилган Эски Ахси ёдгорлигининг чизмаси**

۱۰

Jyoti

بہترین سلسلہ کتب

زنگنه ایران

二三

+ + + + -

• 100 •

در راهنمایی - دیگر در تئاتر

اچھے مرع ایکی، یونہ بگرہا، تھے توں ایکان ماسڑا،

2-сурат.

Ахсикентдаги “Лангарбиби” зиёратгоҳи.



3-сурат.

Ю.Г. Чулановнинг фикрига кўра Ахсикент ёдгорлигининг тузилиши. 1963 йил.




Рис. 1. План расположения городиц Аксикент I и Аксикент II  
/ — культурный слой (Aksikent I)


4-сурат.  
Сирдарё ҳавзасидаги Ахсикент ёдгорлигининг Google  
қидирув тизими орқали олинган харитаси.




Ахсикент. Еости сув ишоотининг очиб ўрганилган  
қисми.



## И.Кастаньенинг Ахсыкент ёдгорлиги чизмаси 1914 й.




Эски Ахси ёдгорлиги. Кабутарлар.



Ахсикент деворларининг кўриниши.



Эски Ахси харобаларидан зилзила аломатларининг  
кўриниши



Эски Ахси харобаларида зилзила аломатлари: шаҳар  
деворларининг қулаган ҳолати ва еости сув  
иншоотининг лойқа билан тўлган ҳолати



Жанжалсойнинг юқори ва қуий оқими. Сойнииг бошланиш қисемида қирғокларнинг сув сатхидан баландлиги 3-4 метрни, қуий оқимида эса 8-9 метрни ташкил этади. Бу эса сойнииг сўл томонидан ўнг томонига табиий ҳолатда ариқ орқали сув олиб ўтишнинг иложи йўқлигини кўрсатиб турибди.



**Шимолий Фарғона каналининг Жанжалсой устидан  
кўтарма сув йўли - Акведук орқали олиб ўтилган  
қисми ҳамда сой устига автомобиль йўли учун  
курилган кўприк**



11-сурат.

Раском Косъяненко. “Ахси зилгизласи”. Тошкент. (Наманган вилойт тарихи ва маданияти давлат музейида сакланади).



## **Фойдаланилган манба, адабиёт ва меъёрий-хукукий хужжатлар рўйхати:**

1. Ўзбекистон Республикаси Вазирлар Маҳкамасининг “Наманган вилояти Тўракўргон туманида атоқли маърифатпарвар Исҳоқхон Ибрат номидаги ёдгорлик мажмуасини ташкил этиш тўғрисида”ги 2017 йил 13 апрелдаги 208-Қарори.
2. Ўзбекистон Республикаси Вазирлар Маҳкамасининг “Тўракўргон туманида Исҳоқхон Ибрат номидаги хорижий тилларга ихтисослаштирилган мактаб-интернатни ташкил этиш тўғрисида”ги 2017 йилнинг 5 сентябридаги 698-Қарори.
3. Ўзбекистон Республикаси Вазирлар Маҳкамасининг 2017 йил 16 октябрдаги “Наманган вилоятининг Тўракўргон туманида «Ахсикент» археология мероси обьектини муҳофаза қилиш ва тадқиқ этиш ёдгорлик мажмуасини ташкил этиш тўғрисида” 831-Қарори.
4. Мирзиёев Ш.М. Буюк келажагимизни мард ва олижаноб халқимиз билан бирга қурамиз.-Тошкент: Ўзбекистон, 2017.
5. Абдураззоқ Самарқандий. Матлаи саъдайн ва мажмаи баҳрайн. II жилд. Биринчи қисм.-Тошкент: Ўзбекистон, 2008.
6. Абу Сайид Гардизи. Зайн ал-Ахбар.-Ташкент: Фан, 1991.
7. Анарбаев А. Ахсикент - столица древней Ферганы.-Ташкент: Тафаккур, 2013.
8. Анарбаев А., Ахрапов И. Водоснабжение средневекового города Ферганы (по материалам Ахсикента). Я.Г. Гулямов и развитие исторических наук в Узбекистане.-Ташкент: Фан, 1988.
9. Бартольд В.В. Сочинения Т.И. Туркестан в эпоху монгольского нашествия.-Москва: Восточная литература, 1963.

10. Заҳириддин Муҳаммад Бобур. Бобурнома.-Тошкент: Юлдузча, 1989.
11. Ибн Ҳавқал. Китоб сурат ал-ард.-Тошкент: Ўзбекистон миллий энциклопедияси, 2011.
12. Исҳокҳон тўра Ибрат. Тарихи Фарғона.-Тошкент: аънавият, 2005.
13. Кастанье И.А. Историко-этнографическая поездка в Наманганский уезд Ферганской области. I. Развалины Ахсыкента.-Ташкент: Коммерческая типография Я. П. Эдельмана, 1914.
14. Касымбеков К. Ф. Из истории народных движений в Фергане в конце XIX-начале XX века. Т.: Фан, 1978.
15. Махмуд ибн Вали. Море тайн относительно доблестей благородных. (Перевод Б.А.Ахмедова).-Ташкент: Фан, 1977.
16. Мирза Мухаммад Хайдар. Тарихи Рашиди.-Ташкент: ФАН, 1996.
17. Муҳаммад Муфти Оҳангароний. Мавлоно Лутфуллоҳ маноқиби.- Тошкент: Имом ал Бухорий жамғармаси, 2002.
18. Низомиддин Шомий. Зафарнома.-Тошкент: Ўзбекистон, 1996.
19. Нодирбек Абдулаҳатов, Ўқтамжон Эшонбобоев. Кўҳна Марғилон зиёратгоҳлари.-Фарғона: Фарғона нашриёти, 2007.
20. Ўзбек тилининг изоҳли луғати.-Москва: Рус тили нашриёти, 1981.
21. Файзиев Т. Мирзо Улугбек авлодлари. Тошкент: Ёзувчи, 1994.
22. Фасих Ҳавафи. Муджмали-и Фасихи.-Ташкент: Фан, 1980.
23. Ҳудуд ул олам.-Тошкент: Ўзбекистон, 2008.
24. Шарафуддин Али Яздий. Зафарнома.-Тошкент: Шарқ, 1997.

25. Шиҳобиддин Муҳаммад ан-Насавий. Султон Жалолиддин Мангуберди ҳаёти тафсилоти.-Тошкент: Ёзувчи-Ўзбекистон, 1999.
26. Шпенёва Л.Ю. Денежное обращение Ферганы и Шаша в эпоху тимуридов (медные монеты XV – нач. XVI в.): Автореф. дис... канд. ист. наук.-Ташкент, 1997.

#### **Мақолалар:**

1. Ахрапов И. Археологические исследования городища Ахсикент в 1960 году //Общественные науки в Узбекистане.-1962.-№8.
2. Ахрапов И. Новые археологические материалы с городища Ахсикет XIV—XVI веков //Общественные науки в Узбекистане.-1969.
3. Исҳоқхон тўра Жунайдуллаев. Фарғона обласидаги қадимги Ахси шаҳрининг тарихи //Туркистон вилоятининг газети, 1913 йил 23 июнь 48-сон, 7 июль 52-сон, 11 июль 53-сон, 18 июль 55-сонлари.
4. Чуланов Ю.Г. Городище Ахсыкет //Советская археология, 1963 йил №3.

## **Мундарижа:**

1.	Муқаддима	3
2.	Ўзбекистон Республикаси Президенти Ш.М.Мирзиёев маърифатпарвар Ибрат меросини ўрганиш ва халққа етказиш ташаббускори ва раҳнамоси. <i>Турсунбой Файзуллаев</i>	9
3.	Туркистон вилоятининг газети №48, 23 июнь 1913 йил. Фарғона областидаги қадимги Ахси шаҳрининг тарихи (факсимилеси)	20
4.	Туркистон вилоятининг газети №48, 23 июнь 1913 йил. История древнего города Ахсы в Ферганской области. (Фарғона областидаги қадимги Ахси шаҳрининг тарихи). (кирилл алифбосига ўгирилгани)	21
5.	Туркистон вилоятининг газети №52, 7 июль, 1913 йил. История древнего города Ахсы в Ферганской области. (факсимилеси)	28
6.	Туркистон вилоятининг газети №52, 7 июль, 1913 йил. История древнего города Ахсы в Ферганской области. (кирилл алифбосига ўгирилгани)	29
7.	Туркистон вилоятининг газети № 53, 11 июль 1913 йил. История древнего города Ахсы в ферганской области. Фарғона музофотининг Наманган уези Чуст участкасига қарашли	31

Шаҳанд булистиға тобъе жойда воқъе бўлунмиш Ахси деб ном чиқорган қадимги эски шаҳарни хусусида. (факсимилемеси)	
8. Туркистон вилоятининг газети № 53, 11 июль 1913 йил. История древнего города Ахсы в ферганской области. Фаргона музофотининг Наманган уези Чуст участкасига қарашли Шаҳанд булистиға тобъе жойда воқъе бўлунмиш Ахси деб ном чиқорган қадимги эски шаҳарни хусусида. (кирилл алифбосига ўтирилгани)	32
9. Туркистон вилоятининг газети № 55, 18 июль 1913 йил. История древнего города Ахсы в ферганской области. (факсимилемеси)	35
10. Туркистон вилоятининг газети № 55, 18 июль 1913 йил. История древнего города Ахсы в ферганской области. (кирилл алифбосига ўтирилгани)	36
11. Ибрат – Ахсикент тадқиқотчиси	39
12. Ибратнинг Ахсикент тарихи бўйича тадқиқотларининг Ватан тарихшунослиги учун аҳамияти	58
13. “Янги Ахсикент” гоясини Ватан тарихшунослигидаги салбий жиҳат ва оқибатлари	93
14. Илова:      хариталар,      чизмалар, фототасвирлар	95
15. Фойдаланилган манба, адабиёт ва меъёрий-ҳукуқий ҳужжатлар рўйхати	107

## ҚАЙДЛАР УЧУН

**Тоҳиржон Қозоқов Алижон Воҳидов  
Бахтиёр Рӯзинов**

# **ИБРАТ НИГОҲИДАГИ АҲСИКЕНТ**

**Мухаррир:**

**Н. Бабаханов**

**Техник мухаррир:**

**М. Курбанова**

**Компьютерчи:**

**Н. Жумабаева**

**Рассом:**

**Ф. Сатторов**

**Бичими 60x84 1/16. Ҳажми 6.9 босма табок. Офсет усулда босилди.**

**Буюрма 32. Адида 500 нусха. Баҳоси келишилга нархда .**

---

**“Фазилат оғт тех сервис” ХҚда чоп этилди,  
Наманган шаҳар Навоий кӯчаси 72-уй**

**“Наврӯз”  
нашиёти**

